

道光肇慶府志

肇慶府志卷七

建置四 壇廟

肇慶府

社稷壇在城西郊雍正十年建吳志乾隆五年奉准部咨動項

修葺

冊詞

風雲雷雨山川城隍壇在社稷壇西雍正十年建祭日同社稷乾隆九年奉行孟夏就壇行常雩禮於祭社稷山川兩項原派定銀一十八兩五錢八分三釐二毫內通融撥銀三兩七錢一分六釐致祭吳志

先農壇雍正五年建先在西郊七年遷東郊壇高三尺四周各三丈磚砌祠三間左右配房各一間周以繚垣藉田四畝九分神倉一間祭器耕具俱全每年仲春亥日致祭其辦祭

銀兩在藉田穀價支銷各州縣同

厲壇舊在府城北一里後遷西門外社稷壇前春以清明日

秋以七月望日冬以十月朔日致祭俱同上

高要縣附郭首

邑俱從府祭阮通志

開帝廟在北門大街南向開正門雍正三年奉

旨追封三代公爵遵

欽定封號置主供奉後殿乾隆二十一年知府吳繩年捐買

大正街民居改啓橫門西向嘉慶十二年肇羅道竇國華

復改門南向高要志達東門大街採訪冊

文昌廟在東門外大街總督舊署西道光八年肇羅道許乃

濟捐倡僚屬暨閩郡紳士創建七營公送地基同上

國朝許乃濟文昌宮碑記嘉慶六年五月京師地安門外奉
勅重修文昌帝君廟記事

上度仲辰謂九叩禮成詔曰文昌主持文運福國佑民靈
跡最著允宜列入祀典用光文治於是禮部太常議做開帝
廟儀制各直省春秋致祭著爲令端城舊無專廟於城東崧
臺書院舊奉祀事泯隘弗稱濟初蒞任集同僚議得隙地於
制府舊署西昔爲武員衙參之所武營出其地爲廟基命曰
善濟旋以調署博備道去黃州代濟者爲邢江洪公奉太守
長白珠公暨同郡有司卜吉於辛亥仲冬月各捐俸興事工
役則高要縣丞陳君銓董之思明年戊子孟夏濟自廣州還
任而廟適成是比郡諸生捷者二十有二人元魁咸與
斯士創見也說首以爲文運之昌廟有功焉然文昌所司非
徒曰科名已也孝經援神契云文昌精所聚昌者揚天紀自
周禮大宗伯以禘燎祭司中司命天府祀天之司祿懸代尊
奉垂數千百年矣願禱人土潔齊其志潔非其身返而求諸
實行士風旣立耕氓販豎罔不薰德而善良庶幾仰副
列聖文思光被化民成俗之至意豈以一第之榮謂足畢乃
事歟顧四楹前爲門者二中饗殿後爲樓立三代主樓之上
祀魁宿東西均翼以廊殿前東廡有門門內有室前後各數
楹爲承祭官將事更衣之所共東猶有餘壤增修武廊俾不
至久而頽廢是有望於後
來者謹記其緣起於右

城隍廟在府治西一里元至正間總管潘文郁建明洪武間

知縣劉宗貴修宣德六年知府王縉天順八年縣丞李均宏

肇慶府志卷七

治六年知府黃琥相繼修治 國朝康熙十二年知縣譚桓

重修高要志五十五年知府宋志益重修阮通志嘉慶二十一年

知縣陳聞炳修高要志

明陳歐章城隍廟記端陽城隍廟在刺史堂之西歲久就蔽
宏治癸丑冬郡守黃侯倣而新之命生員陳冕來徵記侯豐
城人各坑下巽從吳聘召遊往來劍水宿其家自侯來守端
陽七年于茲愈相傾慕安能已於言即今天下府州縣有城
郭溝池有山川社稷百神主之而統其祭者謂之城隍神明
制也不俟言矣然神之在天下其間以致顯稱者非以其權
職夫聰明正直之謂神威福予奪之謂權人亦神也權之在
人猶其在神也是二者相消長盛衰之理焉人能致一郡之
和無干總之民無所用權如或水旱相仍疫癘間作民日徇
詢以于鬼神之謬怒權之用始不窮矣夫天下未有不須權
以治者也神有禍福人有賞罰失於此得於彼神其無以禍
福代賞罰哉鬼道顯人道晦古今有識所憂也中庸曰致中
和天地位焉萬物育焉說者謂吾之心正天地之心亦正吾
之氣順天地之氣亦順嗚呼信斯言之不誣也故侯治端陽
民畏之愛之蓋有志者也故專

以其大者告之餘皆在所畧
國朝宋志益修城隍廟記白郡縣既設以求縣有合郡自守
矣而必有土穀城隍之神像而祠之凡以為民也守令食

天子之祥使無虞饒其民神享一方之祭使無水旱疾疫以爲民災是助守令福其民者也像而祠之可勿敬乎余以癸巳秋八月來守肇慶如至其民適若旱穀價湧貴余禱於城隍之神而應乃幸有秋明年春疫大作余禱於神以藥施之疫旋已又明年再苦旱禱而又應是何神之愛我民而靈感若斯也按肇慶城隍祠建自元總管潘文郁增修于明知府王榮又改修於知府黃曉本朝順治十五年嘗一修之今復六十年矣余感神貺欲修者久顧不欲令民出錢而依薄又不足以濟茲得罰鍰遂以成之或曰神聰明正直而一者也不聽民樂施而以罰鍰毋乃褻乎余曰神聰明正直而且民卽以神之故不敢靳其力與財守令何爲舍己集之資而割民衣食之資乎故不疑而新其祠與像焉工始於丙申年八月二日落成於十一月十九日督工者司獄官朱國祚也自注大殿五間後殿五間大門五間儀門五間兩廡各五間

龍王廟在七星巖前水月宮之東雍正五年奉旨建乾隆二十年十月知府吳繩年又在西門法輪寺西偏捐俸另建

一座

吳志

風神廟在府城西門外雍正五年建

阮通志

火神廟在東門外五經里內卽五顯廟高要志

名宦祠 鄉賢祠俱見學校吳志

文昌祠 一在城西景星坊宋郡守包拯建後爲西察院址

一在石頭岡明萬曆間副使王泮建 一在寶月臺右崇

正五年知縣張明熙建同上

昭忠祠在北門內關帝廟東嘉慶八年奉 勅建安置陣亡

官兵鄉勇牌主致祭阮通志

石峒神祠在七星巖之北七星巖志

宋呂成石峒神祠記石峒神周氏高要人唐貞觀初封貞正

公劉漢加王爵宋初避熹廟諱曰秉正神威德之顯郡人建

祠於峒中去府城北十里將軍嶺之東七星巖之北其洞則

一峯虎踞巖穴天開南北二門上虛通天四傍異石彷彿與

馬徒御拱列明護異禽鳴嘯出沒空處聲傳恍若神語遇潦

水漲溢人跡罕至狂風怒濤則洞有龍歸世傳謂神還宮是

歲卽五穀熟人厭鮮食今剛有歇龍池是也皇祐四年僂寇

至合城陰禱其冠不終夕遁去人民安堵宜奉祀永永不替

蓋有功則祀之周典也乃作通送之詩曰神之遊兮何所爲
祥風兮甘雨人侯靈兮恍惚神語於千萬年兮蚺螭茲土神
之歸兮山中藹瑞氣兮融融人荷神休兮年穀斯豐詩觀玲
瓏兮加神之封端平二年長至日按此記已見金石第多
殘缺茲據吳志錄全
文內多改竄姑存參

包公祠舊在府治西儀門左宋熙寧中郡守蔣續建元延祐
中知事宋深道重建明宣德六年知府王營重修成化元年
知府黃瑜奏入祀典宏治十七年總督潘蕃改建西門內
國朝康熙九年知府史樹駿重修五十五年知府宋志益修
阮通志
嘉慶六年知府楊有源修道光十一年知府珠爾杭阿

重修

元王按包孝肅公祠記序慶郡治東曰龍圖包公祠其來尚
矣公在宋康定初由殿中丞出守於端以清心直道爲治本
地方千里不謀賊盜吏無叫囂水蛋山爲熟化奔走恩威並
著歲乃太和歸之日一視不持獨根方志不能傳公行事而
海隅之民戶誦人詠至於今稱之君子謂有功於民則祀之
孝肅公之食其土地宜矣嗟夫公之精忠粹德於昭炳耀載
至至手三之三
建置
增補

於史冊稱爲神明之政聞者莫不興起後爲邦者當以公爲師延祐七年知事宋深道照磨盧世華修敬祠下顧瞻棟宇上雨傍風彫剝不完相與謀曰責其在於我於是探梅瓦墜之朽腐漫漶者悉大治之既訖工乃曰登斯堂酌斯泉而祀事久廢可乎爰定典禮以春秋時祭之無後前人將爲後規明年春白之府密被印事自郡守而次薦裸揭虔僚屬在位降登有數俎豆具陳牲酒是儀神人來格昔艾嘆嗟不圖復見文物之盛也秋祭如初禮竭之爲郡也萬山四峙巒秀疊碧大江橫前環抱透逸原野踈曠無穢毒之侵俗尙簡朴近樸樸化者亦復間見比年以來號爲易治政平訟理固固空虛公無負租民安其業雖有水旱疾疫不爲災告牧長行寬平之政器賞盡佐理之方是皆蒙公之澤固公之化達濟登茲荷以謀文有之石以聯久誄日一麾北歸一硯不持蕙數百載遺愛在茲後之來者景行

先哲包井之泉清風高潔

明包孝肅公石刻部領祭文維成化某年甲子二月某日

肇慶府具官某等致祭於宋包孝肅公之神曰惟公剛明直

介澤遺於端一硯清風廉頑百世惟茲仲春

秋謹以牲帛醴齊粢盛庶品式陳明薦尚饗

明黃瑜請祀包孝肅疏黃瑜建言爲崇祀賢臣事謹按國誌黃宋孝肅公包拯康定初辭殿中丞出守端州以清心直道爲帝本地方千里不識賊盜水漲山爲熟化奔走恩威並著代乃太和稱爲神明之政官滿歸之日不持一硯其有功於

端民者固多至今非獨端民稱頌普天之下雖婦人孺子無不知包待制之名夫有功於民則祀之故肇慶舊有包公祠在府治內東南隅考之碑石前代有祭今歷年久祠宇雖在祀典不問如蒙准言乞卽勅該部計議合無每歲於春秋仲月支給官錢買辦牲醴擇日致祭仍乞降與儀注祭文刻石永爲令典則不惟前代賢臣有功於民者得廟祀於無窮將今日與後代之任郡邑

者有所感發而興起矣張謂包孝肅新祠記端之名宦每以宋包孝肅公爲首稱而公之善政每以清正爲之本觀其自賦詩云清心爲治本直道是身謀可知按史公立朝毅貴威宦官爲之欲手平居無私書故人親黨皆絕之至比其笑爲黃河清又相目爲閻羅包老雖古之遺直弗過也雖貴自奉如布衣時遺戒後裔出仕有犯賊者生不得歸本家死不得附祖葬雖古之直清弗過也故其守端也往往以直清著端產土視前守絳貢悉取數十倍以遺權費公命製者纔足貢數皆本乎直中來也及官端而歸一視不持皆本乎清中來也坐是地方千里民樂耕桑水蠶山篠趨庭嚮化端之父老至今傳誦之不哀祭法曰法施于民則祀之若公者非其人耶端舊有祠以祀公在郡署儀門之左宋熙寧中郡守蔣績新建其後修廢不一皇明成化乙酉知郡事黃瑜始疏入祀典歲春秋饗以少牢之禮宏治甲子總督鄒憲潘公以祠限郡署內凡東西往來瞻謁者弗之便也乃委郡守黃侯于郡署外之西百步許相地而改祠焉會憲許公實交襄之告成之日黃侯徵詞文以

記謂竊嘗嘆夫今昔生民之不幸也莫甚于官吏之貪亦莫甚於政刑之弗平蓋貪則股民膏血而痼疾其本矣政刑勿平則賦歛繁而下疲于供應法網密而民無所措手足矣生意沮而厥趾喪禮讓衰而盜賊起職此之繇也又竊嘗怪夫世之貪夫佞士事苞苴總貨寶賄韋澳認趨炎附勢以爭憐取寵爲得計縱富敵鄙鳩貴窮公卿不旋踵禍敗相繼卒之身名俱喪問有幸而免者亦貽殃于子孫其視公之清風直道浩然天地之間尸祝俎豆名流百世之遠得失相去奚啻霄壤哉然則救其敝當若何是故惟直可以塞邪枉之路惟清可以澄貪虐之源昔舜命伯夷爲秩宗曰直哉惟清夫交神明且不能外是而他求焉則以之而正心治人孰謂其不可哉此我都憲公注意乎是祠之遷也豈但寓懷賢之意而已耶將俾食祿與夫宦遊而道出于茲土者造祠登拜之頃親廟貌之煥然瞻遺像之如在肅然與其伯止之心勃然篤其思齊之志殆見播清風而秉直道濟濟乎其人也則于世道端有賴焉都憲名蕃字廷芳崇德人僉憲名恒字景輝開化人黃侯名顯字伯望莆田人觀其好尚可以知其政矣祠經始于乙丑年正月六日落成則四月朔日也宏治十八年歲

四月

國朝宋志益重修包孝肅公祠堂記肇慶古端州也自昔吏乎茲土有治行善政祀于各宦祠者不一人矣獨包孝肅公祀以專祠雖千百年後婦人小子莫不知包公共祠稟稟有生氣豈非以其清乎哉世之所稱公者往往枚指關節不到

笑比河清不持一硯數事謂公之所以過乎人而人所不能
及者余以爲此特其清之迹而非其治本之所在公之言曰
清心爲治本直道是身謀夫心乃身之主而治之本也心誠
清矣理欲是非則然如涇渭之辨中有定見而意無偏着隨
事物之來或試之以難靜或投之以倉猝利不能誘害不能
奪權勢不能動奸僞不能欺垂紳正色喜怒不形而人不敢
干以私是則清其心之效也且公是言合乎先聖先賢之旨
矣書曰夙夜惟寅直哉惟清謂敬以直內而後能潔清其心
也傳曰心正而後身修身修而後家齊家齊而後國治謂正
已而後可以正人也清心直道公之所以成治者意在乎是
予小子幸繼公後而景仰乎公之治者竊在乎是使不求諸
本而徒以一二端之矯情飾節覺勸世俗之耳目欲以追蹤
比肩乎考肅吾知其必不然矣公之祠自宋熙寧中建於郡
治內醜魚樓左明知府黃論建言請祭焉其新祠明宏治間
知府黃繼改建於郡治數百武修於本朝順治之七年余
小子受任之後每春秋祀公請隨丁祭之例今年秋始得諷
吉而新公祠凡爲門堂廡若干間皆撤其腐敗重立如舊制以地逼民居故無所增
全祖望謂包孝肅公祠詩云調公郡齋句要言在清心方寸
苟不染百惑何能侵去公七百年甘棠尙成陰端人指七井
流澤湖以深迢迢望崇臺星斗共降臨此是公廉泉足以泝
芳德豈徒可用汲飲之止指淫春燕與秋鶴神爽長森森祇
應詩後來殊雅馴德音我

詩叶神錄雅歌奏瑤琴
建置一會傳

珠爾杭阿重修包孝肅公祠記肇城西隅宋孝肅包公祠始由明宏治甲子年總督都憲潘公命前守黃君選建國朝順治十七年前守楊君康熙五十七年前守蔣君相繼興脩迄今百十有餘年矣余奉命來守此邦屢承禮祀酒食前徽惟公正色立朝史稱閭閻不到一笑河清固勳然在人耳目當夫出守端州地方千里盜賊欲息水蛋山搖唱唱向化去之且不攜一硯其流風餘韻至今猶歌詠不衰余不敢雖未敢希踪萬一而高山景仰每於趨踰升降之餘神氣測不能去顧創垂既久頃地堪虞全藉摩訂柱礎若使殊非所以光祖豆而妥神靈因慨然以中節爲急務商之文武諸寅僚共籌集事凡有樂助者悉聽簽題以襄盛舉爰識書於庚寅十月庀材修葺鳩匠經營甫兩月而余適有縮篆高涼之役迨辛卯仲冬回任知以經費不敷未能迅速告成因勉捐廉俸再加工作復閱月而落成今日者丹墀一新規模重煥門閭舊址狹隘乃更拓地而加闢焉燦然改觀矣倘後之守此土者仰瞻祠宇追溯典聖將謀踵事增脩以永垂於勿替是又余之厚望也夫道光十二年孟夏穀旦

按祠內有陳白沙書包孝肅詩刻已殘闕據廬州府志云書端州郡齋壁茲錄入府署

忠節祠一名八賢祠在城北門外卽舊淨明寺也嘉靖二年

提學魏校毀淫祠知府曾直乃合八賢而祀之唐張柬之李

紳宋劉摯鄒浩胡寅胡銓留正張世傑每歲春秋仲月次丁

致祭有分守參政吉水羅僑記吳志萬厯間知府戴精修國

朝康熙三十二年知府李彥瑁修嘉慶七年縣人公修高要志

明羅僑忠節人賢祠記肇慶府忠節祠唐中書令張文貞

公東之太尉李文肅公紳宋少師劉忠肅公摯侍郎學士鄒

忠肅公浩致堂胡公寅忠簡胡公銓少師留忠宣公正少傅張

越國公世傑祠在府治北隅外乃淨明寺故址今太守曾君

直以秋官鄒中守正不阿得書家食用言官荐起守是邦比

至謁文廟皆包季肅祠單明然嘆曰先王之制祭祀也凡法

施於民則祀之以死勤事則祀之以勞定國則祀之以唐宋

諸老之寓端者不已遺乎亭奉徽毀淫祠卽以淨明寺非額

建兩楹可祠乃疏名上請於總制御史蕭由張公閱牘喜曰

此逸事也而若承之都哉巡按御史松滋謝公亦曰俞茲缺

典也而刺史能舉之懋哉無何御史豐城余公繼代聞是舉

嘆曰然邪崇正顯陽明罰賜係匪細惟長二千石乃克斯任

斯可觀歟矣其行之無惑於時太守唯茲然曰淫祠勾而

多誣非所以道民也乃據佛像沉之江命崇臺驛驛丞張士

宰董其役肅哉經營易舊更新前爲門三間中爲堂一鉅闢

後爲寢三間楹以東西廊十有二間越二月而祠告成費不

產費寺志卷七 建置 壇廟 七

及於民而力省功倍爲地深一百三十五尺濶九十三尺太
守謂是歲嘉靖癸未八月之吉奉八賢主如祠率僚屬諸生
行禮奠醴惟謹邦人拜手稽首咸允若惟茲八賢張文貞公
在武后時抗旨首謀誅二張復中宗尊爲武三思中傷貶新
州長流龍州李文肅公累官翰林學士與李德裕元稹齊名
剛介不同爲李逢吉所誘貶端州司馬劉忠肅鄒忠肅皆以
直氣諫言爲章惇耶恕所擠排胡致堂胡忠簡皆以極論和
議之非爲秦檜所切齒前後安置騁管新州留忠宣公初授
陽江岩北用萬人對稱旨節諫不可犯累官至少師觀文毅
大學士進封魏國公張越因公世傑以宋亡不屈墮水死葬
陽江海渚里蓋諸公心存忠亮志爲承嗣苟利社稷不復顧
身之禍福苟益國朝不復計後之利害蓋其所當自盡者已
也所不敢必者天也而隱隱有不朽者存其可負哉或謂羣
公東西南北之人也歷數百年而肇合祀于一堂之上果有
之而居欲也與噫有其誠則有其神易之假有廟書之禋望
雅頌之於時來格語庸之洋洋如在皆是理也况顯忠遂良
振起風化者邦侯之責欣慕私淑景行先哲者邦人之志惟
太守賢克茲舉底績闕發諸潛迥邦人以順于道將有無窮
之興起焉乃君子之教也故曰可以觀

政矣予特記之俾邦人知政之大者

國朝抗世駿八賢祠記明嘉靖中瑞州守台直建八賢祠于

北門外以祀唐張柬之李紳宋劉韞浩胡寅胡銓留正張

世傑而魏元忠以亢直貶高要尉傳不得與余以春日肅拜

祠下心獨異之作歌簡吳太守刻高要君不見魏元忠布衣

上書論兵事金駸吐氣如長虹鐵冠峩峩肅網紀豪奴杖殺
都亭中除惡志在清君側白簡豈頭張昌宗羣邪劍日議
起卑官謫墮炎荒中洞夷畏或嗟不發至今厓厂流清風吁
嗟高要一闕地貶官往往王侯充幸承慶帝不足錄如公豈
合隨沙蟲我來端水恣臨眺步屣晚出高城東屈危祠屋壓
道左大樹哭兀寒對空入門肅拜設粟主人賢各姓昭愚蒙
唐景龍逮宋途命大節歷歷摩蒼穹茫茫宦迹證人代屈指
獨少齊貞公歸總訟前去留豈復有深意討覈那不謀羣
衷筮鑄暗啞芹藻闕闕二百載無人攻自來守土責匪細社
稷尸祝宜甄綜漢陽王傳志失載鵬鵬與公乏祀將毋
同旅窗作歌寄牧尹會看閭閻能頌鐘
豐祠從此標九節且千百世垂無窮

按世駿以魏元忠亢直貶高要尉獨不得與作詩簡
知府吳繩年高要縣知縣劉爲鴻增祀元忠

濂溪祠在府城東門外三里卽天妃廟舊址明嘉靖四年知
府曾直改建祀周公以公嘗提點刑獄於廣乃過化地也

春秋二仲次丁致祭

吳志

四鐵御史祠在七星巖

阮通志

卷七

建置

壇廟

明鄭元標因織御史祠記肅皇帝初大禮議起諸臣有不次
致公孤者而諸人亦乘機附麗取大位橫莫能禦時松江馮
公管筆南床以自簡從事直疏某好某佞某忠實可托某才
可使交戟中不與公爲難者無幾上震怒逮論死廷鞫諸所
論奏者方在事公而責甚具天下問而壯之母夫人上書請
代不得子行可年方幼刺血書上之肅皇帝憐而遣成雷陽
成雷陽者若而年蒙上在宥得歸九峯三柳間與魚樵爲侶
無意人間事及肅皇帝晏駕詔諸故言事者生者賜環死者
哀恤公明環列年方七十僅首公大理承致仕天下聞而志
之曰馮公卽在入秩猶與載在後車者同科乃公神尚王也
綱公何說公稽首曰波臣得歸老瞶下牧豕海上課子躬耕
皆聖主恩也彼忌者實知我成我敢它望天下復以公爲長
者公沒若而年舊雷陽諸士人業祀公十賢祠而端州舊從
公發指者思公不見議報祠祀公諸當道與郡邑各捐金相
其成顏曰忠孝堂蓋聞公子刺血爲公請代也時肅皇帝嘉
嘆曰是父是子忠孝一門蓋取諸編音所褒崇者茫茫宙幾人
忠孝之美炳三光唯萬億臣子無負斯義者茫茫宙幾人
過公祠者無論好佞之夫銷魂卽懷忠義者能不泚然有餘
思哉祠在寶月臺東七星巖前祀公父子其中方落成太守
江君偕司理李君請子記元標雖懷孤憤敢式望公萬一或
敢爲迺送神二章歌以祀公

按御史阮通志云姓名無考核之乃馮恩事見流寓

傳四鐵謂口膝膽骨皆鐵也

惠愛祠在城東七十里橫查都內同知張吉嘗築豐樂園大堤高要四會三水三邑之民皆蒙其利嘉靖間西潦泛溢而

豐樂園以堤得完民追思之建祠祀焉

吳志今廢高要志

總督凌公祠公名雲翼祠在府城西久圯

吳志

總督吳公祠在府學左公名文華入爲大司空民感其德立

祠祀之久廢

王公祠在崇禧塔側爲明副使王泮建祀田歲租七十石魚

塘二口舖二所供祭

明李學一王公祠記萬歷庚辰山陰王公以比部尙書郎出

爲端守越甲申考最陟爲憲使治兵嶺西乃駐郡郡戍子荆

南守臣秩上特達公參知楚藩瀕行端人士遮道扳卧莫能

止孺慕如失姑侍于是同所以承厥思者相率伐石暨碑建

祠堂象公其中會余過端州鄉緝紳徵文爲記詢公所以治

端狀則縷縷言之甚具蓋端州爲兩粵咽喉山川阨塞民俗

積燭其治先拊循而東抵羅旁諸嶺出沒不時不容一日弛
備以嬉自督府大臣駐節于此二廣二十餘郡藩臬使者往
來冠蓋舟車相錯也符檄之交需決之煩公類備出視事暑
吳未遑贊化麗譙鼓再報不少倦屣佐督府顧盡直棧中
寢歛訟煩與片言而決粵中每有大獄必得公覆瀛而後定
問端人文稍替則改建學宮崇廣殿廡門宇展拓齋舍多土
咸得肆築郡城東江為牂州入海之委鼎建崇禧塔石頂上
以鎮之形勝改觀復修文昌祠躍龍橋于右擁護啓閉北港
水道久湮躬親築堰俾通舟楫凡灌溉數千畝沃為膏壤絲
是問閱殿阜可育京坻人興弦誦矣既陟備兵詰戎蒐乘簡
練以時杜材官之侵漁聚饋饌之虛冒士皆投石超距賈勇
先登會督府有府江懷賀之役公為監督號令惟嚴鞅鞬惟
明士卒惟精一月三捷無宿餽寸矢之費今天子奇公功下
自金文綺賚之適水潦為患齋心虔禱多方拯恤民免于魚
開倉賑貸載其述稅下教郡邑修築堤畛以故災而不害郡
乘久缺公採鄱守議上之督府延彥纂修義例文章嚴正典
覈遂成完書念以監司為一方表率肅軌馭躬咀冰嚼檠一
如其為郡時諸屬吏望風而化東甬度核無敢至門威務奮
迅情神檢束治行以求無負一時端傳大治云居常服御單
薄食不兼味衣無翠綉泊然寒素往以守入覲及今陟去行
李才數篋舉之者囊橐業也其槩如此其詳不可悉書云孔
子曰斯民也三代之所以直道而行也夫民心至愚而神撫
之則息恩則悽悽則去而思德之則怨則壽壽則懼則懼其去
弗速也昔召公巡行南國甘棠蔽芾後人愛及其樹而不忍

傷況其人乎以今端人士之難於去公汲汲然庚桑而畏墨
之甚于周人思召公也先是公爲守且遷端人士共謀祀事
公問而力沮之間有私繪像於家者公亟取毀之屢矣及是
乃就塔之右界文昌祠前爲堂祠公蓋上以配文昌之神廟
食百世而與崇禱浮屠同悠久于斯土也公行矣至是亦不
能禁矣老子曰上德不德是以有德故樂布往而社作狄公
去而祀興陽山以韓姓字兒隗人爲稚珪肖像蓋齒牙有窮
金石不毀豐碑鑿陽華煥發載瞻載慕以侑以妥匪石實
相稱者時能享之無數哉觀端人之祀公
意可觀矣公名泮字宗魯萬曆甲戌進士

恩德祠在城東一百二十里新羅都北港堤上祀開港寶知
府王泮鄭一麟戴禧

永賴祠在府城東府學右舊爲端溪別署萬曆戊午知府陳
謨爲總督兩廣軍門周嘉謨巡按御史田生金發帑修築高
要高明四會墟堤有功改建

明臨大倫永賴祠記畧嶺表諸郡肇慶獨當西北三江之匯
西江遠自夜郎番百川而東注一郡受之北江源峽嶺合流
湍激水南下三水南海門有高要高明受之其民胥賴隄防
以生夏秋江漲入海尚數百里汎濫羨溢載於平陸齧隄潰
至是于云
卷之二
建置
壇廟

防之患所從來矣萬歷庚戌道幸壬癸甲乙丙七年無歲不
患水無歲不潰防潰而築築而旋潰歲有築防之若家無半
菽之儲至于兩辰橫潰彌甚而民之力盡矣原田里宅輸之
水許老弱待斃壯者哀鴻雁而思樂土賴制臺周公侍御田
公同心急民同公曰民將為魚督符之咎與田公又曰民胥
為魚進方者之咎與或曰洪流之蓄天事也人其如何二公
曰不然天可回也亦可補也頗否致泰豈不在人乃合疏請
於朝是歲嶺表被災凡六郡廣肇南韶惠潮各屬賑有差復
念南海高要諸縣受江之委災重民疲隄防之役難以復舉
於是採議郡守下令勛蔡諸潰隄大發帑全命蒼水使親隄
岸命鄉遂築防命邑令掌課工作命佐尉董役力奮甬之工
日以數萬計天人助順江神讓功崇圩蛟陂視昔堅完今年
江水復漲民賴以寧周公節域所經登原隄召田叟問歲潦
早饑復徧勞餉錢田公乘槩所遺詢問里細民來饋與所
便部施行之而長洪水之後穀價頗昂不害賑之力也初發帑令
西省為是舟之役穀價頗昂不害賑之力也初發帑令
下德意劇聞民間疑信半信者未乞助發實知所請與帑金
從者聞乃更信陳乞如信者發實則又與金民既信上官實
愛我復言工大費使則又發實增與金如初余不敏生長江
今日從負薪寘決之後猶嘆二公此舉如慈母之字孩提蓋
慈母痛念孩提無不曲體其所欲乃孩提仰號慈母轉覺需
求之無已此實天住豈拂人情今二公既為慈母吾民忍自
外於孩提過有需求宜二公之不靳為與也可謂仁矣周公
新拜南人司徒之命會當人任天子田公名御史需次卿賦

行且執魁柄相與和衷於朝開國家居虞之盛要以始于熹
表而後賢于天下或謂九愆懷襄二后並急七年潰決兩賢
共濟其事正相類吾民幸哉其世世無忘二公明德而吾黨
君子亦可以志於仁矣余習輿人之語返次第其語垂諸貞
琰周公名嘉謨湖廣漢川人田公名生金湖廣麻城人是役
也廣郡別有紀其在端州則協贊宏議奉藩王公永寧江公
顯郡守陳公謨同心捍患承檄綜理則通判許君學賢勞勩
最多分理則四會知縣謝君子詔高明知縣陳君京璧董役
四會主簿王一俞典史張大奇高明典史林橋役始丙辰十
一月竣丁巳二月凡備扞堤三十九圍填決口一百六十有
七補築崩陷三萬八百餘丈費帑金以兩計八千九百有奇
皆二公節約所留者祠建於郡學宮之右路寢廳廡備極瓌
壯而端江帶旋星峯並峙
庶幾擅一郡之最勝云

戴公祠在府治西包公祠後祀知府戴禧

劉公祠在崇禧塔東爲督府劉公繼文建

李公祠在閩江樓長清菴東祀總督李率泰後以王國光李
棲鳳附焉故又稱督府三公祠後又附以周有德金光祖楊
宗仁楊文乾鄂爾達凡八人

熊公祠在星巖水月宮右明崇正九年爲督府熊文燦建歲

租一千石供祭

按康熙庚辰總督石琳改祠爲星巖書院後改祀石公

閔公祠在天寧寺禪堂左爲郡守閔子奇建

俱同上

吳趙二公祠在八賢祠右康熙三十年建祀總督吳興祚四

十八年增祀總督趙宏燦

高要志

孔公祠在西門外大街雍正六年建祀總督孔毓珣

同上

高要縣

吳志云附郭壇廟已見府者不重錄今從之

城隍廟在府城隍廟右舊附府廟神在東廡後分建

年代乾失考

隆四十一年修嘉慶十三年知縣陳兆熙建拜亭及東西官

廳二十一年知縣陳開炳修

高要志

天后廟在城西門外一里明萬曆二年通判劉元相建

太歲廟在城內米倉巷康熙四十五年總督趙宏燦建

俱同上

厚載祠在府城東吳志康熙四十五年知縣景日珍建邑人卽

其西信德高慶書院祀日珍焉宋詩冊按此雖以祠各實景福閣之廟也

比部李公廟在橫石村遷修里宋元祐七年建祀欽州推官

贈比部郎中李英高要志宋侯晉并有記見金石

明直廟在城東昇俊坊宋慶厯建神邑人姓梁兄弟四人以

明直稱元毀于火今爲民居吳志

赤水廟在桂林都宋咸清建神邑人姓莫行三平生勇敢草

寇劫掠有捍禦功人感德祀之

靈龜廟在長利都元至正間建勅封太保侯王其神本都人

姓盧名僧又名偉遇亂能保障鄉里鄉人祀之

晏公廟原在城西南景星坊明洪武間建天順六年西賊逼

境以其近城撤遷水關門左順治四年復遷於牛眠岡白衣

卷左

龍王廟在黃江沙隄上

蘭陵廟城東摧英坊宋郡守李麟建其神邑人婦也姓王氏

居東廂蘭陵巷性貞烈宋封蘭陵明惠夫人今廢俱同上

大鼎廟舊建在大鼎山雍正二年制軍孔毓珣命濞溪人士

擴而大之自乾隆迄道光間遞有增建邑人龔駟文大鼎山廟記西江之

水至此一匯常有浮屍邵守袁樹查克順命僧置船檢拾掩

埋觀察賈國華倡捐築爲義家管村華義家記

名宦祠 鄉賢祠 忠義孝弟祠 節孝祠俱在縣學宮高要

志

陳大尹祠在城東河畔元大德元年邑人邱文禮等爲縣尹

陳忠衛建吳志明嘉靖間魏校毀淫祠以衛有惠政祠獨存

國朝康熙四十九年重修

高要志

四會縣

社稷壇舊在西門內明洪武八年遷仁愛都正德二年知縣

張思齊遷東門外社山坊去縣三里

縣志

五穀壇在隆伏園洞心爲鄉人所報之所相傳天寶間田中

嘗出金腰米因祀五穀神嘉慶二十三年重修

同上

風雲雷雨山川壇在縣河南貞山都

吳志

先農壇在東門外

縣志

盤古壇在鐵場舖將軍嶺脚羅塘口禱雨祈晴輒應

同上

厲壇在北郊

阮通志

關帝廟在城西

文昌廟在學宮

俱同上

天后廟在縣治南學濠塘左

縣志

城隍廟在縣治西明洪武二年建邑人知府黃爽有記
國朝乾隆四十年重修知縣金三吾有記五十七年知縣汪斌
遷十殿神於東嶽廟改祀各舖土地嘉慶二十四年署知縣
馮開元倡邑紳士捐修并增祀六功曹神於兩廡知縣伍鼎

臣有記

明黃爽城隍廟記畧天子以神武定天下御宸極訪四方名
儒議禮制度考文洪武三年夏六月勅郡縣建城隍廟悉更
舊之式樣去神像立牌位座椅書案如官府儀其制則正堂
前後有二每室爲間則五廡廡東西各一每廡爲間各三而
廡房每處爲間亦二其中則有儀門三門外有重樓一所省
降園式務欲壯麗于是府太守步公朝列覽其圖而營之令
各縣遵承其事惟恐或後暨選廉能之吏分至屬邑而董治
之以府吏朱賢來回督工時知縣承命去其爭分責判縣
王敬直乃廣土地撤舊廟鳩工聚材從而執役者紛如也彼
書爾肯爾百工之人進勉弗倦踰兩月而大功告畢預是勞
者縣丞馮玉堅典史
朱子明協成其事云

太歲宮在城隍廟頭門內前座左側

真武廟在城北門明嘉靖三十二年建一在金雞岡下

火神廟即五顯廟在縣治東俱同上

旗纛廟在城西邊今爲關帝廟吳志

東嶽廟在城南一里興賢都明萬曆八年重建

晏公廟在興賢都明洪武八年建神諱成仔顯應於江湖知

縣姜真一赴任道經鄒陽湖風浪大作禱神得免蒞任乃立

廟祀之嘉靖四十三年鄉人葉興等重修俱同上

龍母廟在清塘舖樊氏寨邊縣志

陶冶廟在馬岡舖

陽山廟一名陽岡廟舊在縣治西二十里隆湖都今專廟建

在沙屋東嶽廟左一在鐵場舖嘉慶十一年重修俱同上

明知縣顏寶祭陽山公文昔在商朝忠義揚聲勇冠千軍烈
 烈轟轟勇除兇孽因至綏城為民保障為國幹楨權鋒附陣
 伐鼓鳴鉦奮不顧身遂殲于兵功施社稷德貫幽明叔世撥
 撥史夫其各汗簡不書祀典不登人不能忘立廟聚精英風
 凜凜雖死猶生水旱疾疫有求輒應生竭厥忠死效厥靈惟
 今之春使散交并求鐵力未急于雷霆十夫執役澗壑欽願
 露濂神毒蛇虎縱橫叩心仰禱大展威靈履險如夷涉尾若
 平除功胡贊詩詩丁丁時香數祝夢卜屢形會不逾時厥功
 告成眾口喧呼任車猶輕匪神之助萬姓易能爰新祠宇安
 墮門庭置以旗幟飾以丹青莊嚴像服陶鑄爐鼎不足報功
 聊慰輿情用啓後人百姓繼誌敬疑
 于中徵此文銘神其鑒之承著忠貞
 庠生陸際時陽同廟碑記畧吾綏之北十里許有陽岡之神
 徐其姓而史夫其名古相傳為陽山人也宋皇祐間邑為流
 寇所逼掠侵諸境若考為大尉官奉使行討適臥病不能支
 時公年甫十三代父掌兵威臨諸寇奮不顧身而馬足陷于
 泥濘中因殉于王事朝廷以為為國捐軀是其忠也捨身代
 父是其孝也既忠且孝是為國家光也乃旌之以護國王附
 祀于大壘之前以為忠孝者勸是以于
 公之崇創鼎建厥廟奉祀金容而事之

名宦祠

鄉賢祠

俱在學宮

志

忠義孝弟祠

節孝祠府志並載城內今無

同上

包公祠在縣治之左

吳志

濂溪祠在城東二里嘉靖初以龍母廟改建卽今濂溪書院

上同

朱文公祠在縣治西丁後一日祭今廢

縣志

懷德祠在綏水南大洲上明嘉靖三十六年大羅山峒獠士

寇爲民患都御史談愷議剿叅政王國正通判呂天恩協謀

進兵大破賊談尋罷去都御史王鈞繼之捕殲逋匿邑人獲

安乃建祠祀談愷王鈞以叅政王國正肇慶府通判呂天恩

祀

上同

明知府盧璘記畧懷德祠四會之民懷二公之德祠以報於

無窮也兩廣州邑率有寇患而四會爲特甚四鄉抵郛莫不

被其殘破居舍焚而葺葺而復焚男婦虜而贖贖而復虜往

往多是兩屠戮民命掠去財畜占荒田土亦非可以數計也

以至國賦虧十之五里城初之半蓋岌岌乎不能邑矣嘉靖

丙辰十山談公以兵部侍郎兼都察院左都御史至卽欲討之

遂于云云二建置壇廟

左

以新恩之警報方國正而密委于肇慶府通判呂天恩得其謀諸廣東泰政王國正而密委于肇慶府通判呂天恩得其情及可克狀公曰是寇性黠而勢厚道險而竄多非大舉不可且奸民或爲之躡未事而形彼將備焉丁巳春乃以赴討倭寇爲說徵兵選將各授以哨道爲之期日遣之先後督發若向吳淞三月十三日難初鳴各抵賊巢諸賊突聞兵至倉卒迎敵潰而奔無所於逃賊首就戮并俘獲計功凡二千有奇蓋自總鎮開府以來未有此捷也百姓聞之歡聲震天彼此慰賀諸將飛檄上功而公已罷罷去印巖王公繼至捕窮搜匿定三月而匪師未盡之民皆返其故所誅茅結廬闢草出土骨者漸內離者復會村落城廂蔚然成聚合而言曰吾等不遇二公安有今日遂各捐資市材鳩工繕室貧不能助則以力代之前後凡三重每重凡五楹有二公之像於中聽而以祭政王君通判呂君配均事事也共置守戶朝夕洒掃焚香拜謁乃備其祠曰懷德云

陳公祠在金山祀明肇慶同知陳露今廢

縣志

姚公祠在城內南門正街康熙二十二年爲署縣事惠州府

經歷姚宏濟立乾隆五十年遷南門外

惠愛祠在縣治左明正德間知縣蕭樟隆慶間知縣俞文達

皆有惠愛民祀之今廢

貞烈祠在貞山下祀文氏仙宋主簿陳公奉有記

宋進士陳公奉貞烈祠記自僊羊而上人統水六十里爲四
會踏水之二里近西南峯林鬱蔚然而秀崇岡巽下四望平
遠是爲貞山烈女祠舊記唐貞觀元年建妙虛宮歲久爲湮
沒一百六十年實貞元三年有女文氏父母已許鮑生未嫁
生樵山斃于虎文氏匍匐赴其喪服衰三年事公姑甚謹忽
然感愴歸遁于山之陰不與世接影嚮異起西南嶺管啓
元十七年高秋九日天氣澄澈俄有異雲起西南嶺管啓
擁一婦人於香案前始知文氏女仙去今升他壇共存卽其
下爲祠於香案前始知文氏女仙去今升他壇共存卽其
官數月春向深不雨合尹陳侯希默相率拜祠下僉曰茲祠
尙矣舊記不足傳遠請史而鐫諸石令尹舉手見蠟越翼
日雨大作乃笑相謂烈女之意欲遠成斯文乎予謂前輩
言神仙事以世所傳者多幻而近誣今文氏純介之行表見
于世其識不凡其所傳不死英靈精爽實與天通距今數百年
而惠澤一方無應如足豈可湮沒也哉因
載其實與此山共傳紹興三年四月一日

烈女祠在石獅舖龍華寺左明崇正間奉旨建祀貞烈女梁

氏知縣賴濂有記

建置 瓊廟

上俱同

卷一

新興縣

社稷壇在城西北二里阮通志

風雲雷雨山川壇在城南二里同上

先農壇在城北一里吳志

厲壇在城北一里同上

關帝廟舊在城外十字街乾隆二十二年知縣劉芳率紳士

遷於學宮之東嘉慶十三年知縣吳文照倡紳士捐修二十

年復修縣冊

城隍廟在城內東街雍正十一年正殿災知縣許澍捐修並

增高後樓乾隆二十八年知縣耿毓孝倡紳士修建縣志

文昌廟舊在龍興寺右嘉慶十九年知縣吳文照以城北街

筠城書院五賢祠改建並祀五賢於內阮通志又按通志筠城書院在城北街

五賢祠祀知縣周堯王民
顧姚舜牧楊成喬查蜚英

天后廟在城南一里乾隆十一年建嘉慶二年修同

真武廟在縣城北河東峽山志

五顯廟在新昌驛南

東山廟在縣東南二十里羅陳村唐武德二年建祀陳將軍

一統志稱昭惠公之廟俱同廟舊在孤峯絕頂故老相傳一

夜風雷暴至廟亦隨下卽今祠也昔人詩云千年劍戟神如

在一夜風雷廟亦移阮通志引
輿地紀勝

岳王廟在城西門外一里祀宋岳武穆王乾隆元年重修吳志

伏虎廟在縣西二十四山康熙間山多虎患廟建虎遂斂跡

龍母廟在北門外登雲坊俱同

洪聖王廟在南街康與之爲與地紀勝
又云休咎禱師
言總於廟中語王曰竊以大王

爲性嚴急往來舟楫遭風波溺死者甚多王謹無爲此貧僧
今爲大王摩頂受記自茲以往勿害生靈保扶社稷卽爲授
三歸五戒而行蔣之奇題詩云休咎禪師亦異哉神
靈爲害尚能迴海波舟楫無漂溺廣利元曾受戒來

忠義孝弟祠在學宮之西嘉慶二十年知縣吳文照教諭曹

謨訓導陳觀光修復

阮通志

名宦祠 鄉賢祠舊在大城門東西乾隆二十二年遷附崇

聖祠東西

節孝祠在城北外雍正三年知縣宋儒任建

俱同上

五賢祠在城東南祀張柬之等

縣志

明姚舜牧記畧新州古稱僻烟瘴雨之鄉凡罪觸中朝者時
或謫置其地若唐張公柬之宋鄒公浩劉公摯胡公銓胡公
寅其灼灼較著者先時祀止刻名宦祠中唯澹菴胡公有專
祠在城東南故夏院寺基址雖宏宇舍卑陋未稱士民崇祀
之意嗣後復入張公柬之胡公寅爲三賢祠萬曆十九年學
博士王文炳覽故籍謂鄒公浩亦宜入祀且請前合王君仰
一新其宇惟時邑庠弟子程鵬趙良誼等監督廠工堂楹門
廡宏敞壯麗甚侈前規工竣王君以調繁去牧來適觀厥成

謂時日潔俎豆奉安四公神靈於新祠士民莫不嘖嘖嗟嘆
若茲纂邑乘牧厯覽前修之謫寓斯者有劉公摯階其名嘖
然嘆曰斯一公在神宗朝不洛不蜀中立不倚豈少媿此前
後四公者哉奈何獨遺不入此祠也則亟置神主擇日奉祀
列位於四公之間改其額爲五賢祠嗟乎此五賢者不幸遭
非其時置謫于此潯州瘴雨之鄉尙耿耿以忠義著興起後
人之崇祀今新州風氣日開人文丕顯若中土而來蒞任茲
土者又皆以選除至非謫置比獨奈何可泯沒無傳而更以
斯五賢之忠義者尙知所振奮哉萬歷二十五年仲春之吉
王公祠舊在城東門外祀知縣王民順今圯

上同

德惠祠舊在縣東街祀知縣姚舜牧今圯

吳志

楊公祠在縣北郊卽蓮池書院祀知縣楊成喬久圯

上同

明黃士俊楊公生祠記畧萬歷壬寅吾師楊如椿先生來合
新州至則延見父老孳孳論閩閩疾苦曰邑令最號親民藉
令積弊弗釐夙窳弗剔民其扞依卽又風勦弗章何以使民
之秀者競奮也謹身率先疇焉不滓邑故里役有民謁庫役
有公費歲以爲常先生一切屏去服食布素有所需悉先給
道場像殿先生水菜動色相戒或妄有誅求云法行自近
行隸營追呼必杖毋貸去曹掾出入挪移爲姦利必杖毋貸
與屬僚約凡有勾攝統以堂印爲信明告境內非堂印者格

三

五

二

建置

堂

印

爲

信

明

告

境

內

非

堂

印

者

格

不行雜大寧矣公家賦入使按額自輸使如額投區不得
 入介毫奇羨民乃益勸無後期者地當孔道厨傳旁午舊率
 派之里甲驛然若之先生曰是有官錢在奈何重苦吾民上
 記所司一出庫錢以應騎役樂從節省維時中貴人稅採附
 虎翼而飛者籍使郵吏若牛馬然不廢不休獨道新州輒縮
 頭鼠竄則兼威然警之耳據案視事肅若神明兩造雜陳須
 臾揮斥都盡其孤弱皆開誠慰諭至豪有力狡幻百端莫能
 遁也宰維浙州異郡異邑之謝兩臺監司若郡守往往取質
 於先生惟是左投右應片言立折遐邇莫不稱平山谿窳阻
 蟻聚穀焉自先生接捕有方而佩犢帶牛者屏跡俗尤輕生
 劫以誣富民而大肆其掠事即白顧其家無牛菽遺矣特廉
 丞掠賦重繩之不稍寬假亡賴子徒死靡所得利遂知自惜
 富民種以安枕建議邑戎籍非五載不一稽無數擾民稽
 則官給工直令司之毋他委歲省民間煩費不下千餘金積
 造之役市黠類從數十年後與詞里書乘之恣索紛囂茲甚
 先生亟為糾斷有駕誣橫索者置之三尺毋獎大請矣常苦
 早轉則軀應資開聖業流移歲偶設捐賑以時多所存活公
 暇則前弟子員闡釋與義月必三四課品題點富壽之梓枏
 彬賢有文也寒士第於膏火輒佐以俸錢為置學田俾吉因
 並有所倚居恒諄諄厲名檢極奔趨雖敷教推寬迨無敢以
 私請雅慕色先正侍御黎公常少司寇陳公鼎無愧古大臣
 風節委表以風至于尊賢宮殿青雲橋路培城西龍脈塔洞
 日以束扼雙流胥整依贖為倡庶幾風氣完而人文振起士
 翩翩期青漢如國初時則先生賜宏遠矣濳邑逾六載成申

之秋微入爲司徒郎蕭然行李邑冠首於者舞者壯者班白
扶杖者無慮數千人及于數百里之外即輟禁磔不能得則
上地建祠尸祝之將十年所矣而士民奔走祠下旦夕祀先
生蔭者踵相接也己復釀金市田若干畝爲歲時瞻拜需弁
以瞻守祠者門人土俊親省還里李生文燦文彩到生子廉
子庭黃生允宗等述而言曰惟弟子知師匪阿所好請紀之
石用志不忘祠在北城外可數武地平衍而山水周迴形勝
甲一方爲先生曩時課土所經臨虛經始於萬歷戊申之仲
冬落成於己酉夏六月堂凡五楹階址成甃以石兩廊翼之
前爲儀門又前爲大門深廣高華而堅緻足垂久遠先生諱
成喬字維嶽別號如椿南
直尚塗人萬歷辛丑進士

維新祠在北門外祀知縣謝偉今圯

縣志

趙氏宗祠在南門祀宋副使趙良寅

吳志

陳司寇祠在縣治南觀洞村

周公遺愛祠在縣東街祀知縣周崑

宣愛祠在縣北街祀知縣陶若曾

俱同上

棠蔭書院在城南十里亦祀文昌并祀知縣樓日章及陶世

鳳顏曰陶蔭後傾圮嘉慶七年土民捐修

阮通志

文昌橋三公祠嘉慶七年邑人建以祀明知縣王民順姚舜

牧并生祠知縣沈寶善以配

同上

陽春縣

社稷壇在城北一里

吳志

風雲雷雨山川壇在城南一里

先農壇在東郊

俱同上

厲壇在城北

阮通志

關帝廟在縣治東明萬厯間建 國朝雍正九年知縣王博

厚撥田租三十石有奇以供香火乾隆十二年知縣錢逢泰

二十二年知縣姜山五十五年知縣孫樹新先後重修

縣志

城隍廟在縣治西建置之始無考萬厯十九年重修

同上

國

朝順治十四年知縣單九翔康熙三年莊維獻二十六年知縣康善述各重修乾隆二十二年知縣姜山創建門牆三十九年知縣邵應鳳五十五年孫樹新各重修嘉慶二十一年知縣張桂森倡捐重建冊

文昌廟舊在瑞雲書院聚文樓日久傾圮嘉慶七年知縣李永青倡建未竣十五年知縣王鵬翥改遷崇聖祠以其址改

建瑞雲書院

既通志

天后廟在西門外

同上

東嶽廟在城東南隅

吳志

合水廟在城北平坦堡

先農廟在縣南郊

俱同上

名宦祠在學宮戟門外之東

縣志

鄉賢祠在學宮戟門外之西

同上

忠義孝弟祠在學宮後

志

節孝祠在縣治西

志

五循祠在縣學後忠孝祠東祀知縣王魁春單九翔康善述

李敬脩蘇澎王博厚

射木神祠在縣東南十里射木山唐春州司馬姜晦禱雨輒

應因建今祠雖廢旱輒往禱焉

俱同上

陽江縣

社稷壇在城北一里許

阮通志

風雲雷雨山川壇在城南一里許

阮通志

先農壇在城南一里許

厲壇在城北二里

俱同上

海壇在頓鉢山春秋望海而祭

吳志

關帝廟在崇善坊春秋致祭

縣志

一在宣化坊

吳志

城隍廟在縣治西南元天厯間知州張允明建康熙十一年

知縣孫廷鐸脩二十六年知縣范士瑾脩乾隆五十八年知

縣唐錚脩嘉慶二十四年知縣李應均倡捐平碁重建

縣志

文昌廟在尊經閣嘉慶十一年重脩

縣志

天后廟在崇善坊

同上

風神廟在城西南三里石覺寺旁嘉慶十二年知縣陶然重

修每歲春秋仲月致祭

縣志

五顯廟卽火神廟在總兵署左乾隆間知縣饒晉均重修

同上

名宦祠 鄉賢祠俱在學宮內

縣志

忠義孝弟祠在學宮內今無

縣志

肇慶府志 卷七 建置 壇廟

節孝祠在學宮西北

義祠在北門外祀凡無祀者乾隆十一年建

忠勇祠在太平驛城內萬曆三年建以祀把總葛子明等時倭賊攻陷雙魚所城總兵張元勳督征大戰於儒峒子明與婁子和婁安邦葛文光金高龍等皆力戰而死因立祠祀之久廢乾隆三十一年紳耆捐建七賢書院復建忠勇祠於其後俱同上

濂溪祠在縣西南大清一統志

岑侯祠一作廟一在樂安一在麻橋村一在龍壇岡爲邑人岑

侯建岑侯名字莫考兄弟十人輔宋封鎮北將軍及宗祚將盡同殉節於肇慶城北明初封忠勇侯鄉人慕其忠烈立廟

祀之縣志

張太傅祠在海陵平章山下明宏治間知縣柯昌建黃通一志

在西門外龍津坊嘉慶間知縣熊茂爲宋太傅張公世傑建

康熙十三年知縣孫廷鐸修改乾隆八年知縣黃統中重修

置祀田六坵嘉慶十六年知縣李潛倡捐重修取回祠前左

右舖址大恢舊制像祀太傅配以防禦使劉師勇少保蘇劉

義二公主遵照乾隆九年知縣莊大中詳請立祀典每歲春

秋仲月致祭縣志道光八年知縣倪澧增修肇羅道許乃濟有

已采訪

言冊

明黃佐重脩宋太傅張公祠記蓋聞君臣大義無所逃於天

地之間凡爲臣死節者忠義氣充塞天地無所不之不可

以方所求者也舜之事堯迄于受終盡厥道孟子謂卒於鳴

九疑則有舜祠云豈非南巡陟方涉歷非一神之昭著固有

所謂不可以方所求者與宋太傅樞密副使越國張公諱世

傑范陽人始事恭帝後從端宗帝昺其忠義大節昭揭天地

真與日月相耀焜矣宋史謂公死平章山下元史謂公死海

濱是守志卷七 建置 聖廟 三

治已未白沙陳公獻章貽書陽江令柯君昌始建祠于縣城
西門隅而香山湖居里赤坎村有公墓焉相傳公死時諸將
自海陵而背葬于此然則祠在陽江墓在潮居始猶九疑之
視鳴條乎然蒿棗槍在在與感萬世垂宇宙與舜同也嗚
呼南渡之初志于復讎誠冠者岳公飛也中原父老日久引
冀岳家軍而丞相秦檜主和竟謂殺之宋室遂以不競時則
如日之既食間閣然光輪猶在也及其末造元會張宏範將
人軍進臨安朝臣請遷都以避而背城借一志於滅虜者公
與文樞密天祥也虜屯阜亭民亦引冀官軍而丞相陳宜中
主和詔不許戰至是公乃提兵入定海以伺二王而宜中遁
去時則如日之曠曠然入于地中惟成長夜焉爾向使公遂
其志而德祐其少康矣乎春秋傳曰政不可不慎也務三而
已一日擇人二日因民三日從時用匪人而不擇弗民望而
不同時可爲而不從宜其十矣余嘗讀宋元二史而深悲公
之心事有當表白者世固未之考也元人修宋史謂公少從
張柔成杞有罪遂奔宋及我朝修元史始作張柔傳謂柔本
定興豪俠金貞祐問河北盜起聚族結隊伍驍勇之士多
蔡義從之金主用爲元帥以衆降元則柔固叛逆之臣也意
公成杞之時必勸柔去夷歸身毋爲元兵所敗拳拳乃心宋
室柔實歸之夫何罪焉且宏範者榮之子也虜知其與公世
難于是任使宏範竟成崖山之功嗚呼宋亡元興天耶人耶
抑公忠義當昭于夫地之間真宰固司之耶初公總都督府
兵遣將西出取浙西諸郡復于江諸城如拾芥然使顯用之

御可爲也此十彪說降斷舌磔之雖忠義憤發而大事去矣
而况瓣香祝天之時耶生而始終一心沒而昭明在上公之
神靈固無彼此之間也我國家建皇極攸彝倫宏在三之規
垂不二之訓以昭於世公其可弗祀耶祠既歲久傾頽對
江流進謁殊愴今西邸君壽鼎來知縣事以表揚忠義政
之大端捐作修之正廳仍舊如之宋飾兩廡前門則撤而新
之巷口樹小坊扁曰宋太傅張公祠以詳瞻趨可謂知所先
務矣昔柯令經營將落徵記於白沙先生時已在病蓐
而未成昌亦去任故祠幸荷簡鄧君既拓而壯之乃具書幣
俾陳掌教觀鳳來徵記以補江門之闕予故不辭而暴公心
於千載之下俾鏤幽石以志丕烈銘曰元情泊滌炎宋九院
惟公逢崖忠義之特天步艱難提兵衛國崖山之陣氣薄蒼
日浴浩然正氣苞羅九垓炳炳烈烈爲建爲雷魄港海流百
折不迴瞻此新祠天燹
承開嘉靖乙卯仲春日
國朝知縣李雲重修宋張太傅祠記宋張太傅祠載諸志乘
垂爲祀典守土者歲時致祭禮也顧祠宇湫隘又益傾圮前
楹左右址富者賃以作屋淪於市肆觀者愀然余維祠自前
令黃公統中重修以來閱今垂八十年祠產薄田如干畝歲
入僅足爲香火資於是倡捐議與邑紳士謀共新之紳士果
奮然起昌言于衆不數月得銀千有奇尅日鳩工大興土木
廟堂增高疊石以爲階級向之人入市肆者收其址俾前後
一律廣袤中復增建三楹翼以廡廊奉太傅於堂像而祀焉

防禦使劉公師勇少保蘇公劉義奉主以配始事於嘉慶十
六年辛未之秋落成於逾年壬申夏月休哉不其偉歟有宋
養士三百年革命之際忠盡瘁使百世下聞者興起大義
之足以動人與人心之果於緝義俱于是乎在是役也譚生
兆俊馮生重豪梁生樞陳生廷耀之力居多次則張生橋姜
生業新蘇生銳秦譚生祖貴祖法李生德植許生天贊施生
良諷馮生達凡夫出資襄事之姓名附見左方俾後之人得
以考而覽焉若夫太傅之忠於所事邑之婦孺能知之又況
史策共在其蹟爛然寧俟余之撫

拾焉哉是爲記嘉慶壬戌四月

許乃濟重修張太傅祀墓碑陽江縣城南七十里海陵山下
有宋張太傅越國公墓厓山旣陷太傅欲趨占城不果乃逆
舟鹹南恩海陵山颶風覆舟太傅正命焉諸將函其骨葬赤
坎村湖居里越二百年爲明宏治縣令柯君昌始封其墓建
祠墓前以肅祀事嘉靖中熊令茂鄧令壽鼎繼修之我朝
孫令廷鐸莊令大中增修歲久剝落道光六年攝縣事徐君
恩照因邑人請重修未畢代去今令倪君澧竟其役祠增高
舊制二尺七寸左右益廊廊十椽爲春秋祀宿直所旣竣事
徵文於予予思古之忠臣志士出萬死不顧一生之計爲國
家爭存亡至於事去運遷三辰易位不得已以身殉之後世
孰其義崇其節雖履跡所經有餘藁焉而况乎喋血埋骨之
地哉方趙宋之末太傅與信國陸樞密皆係國存亡太傅其
最後者也德祐二年巴延軍阜亭山太皇太后奉璽書降宋
亡矣而不得謂之亡二王出走太傅與文陸諸公在也張宏

範破厓山文信國被執陸樞密負帝投海死宋亡矣猶不得
謂之亡太傅迺海陵思求趙氏後韓之也當此之時萬里
河山會無寸土太傅一日尙存宋祚一日未盡其負荷爲何
如哉南渡至德祐景炎間天下八九歸元兵所至郡縣官
軍非投誠納款卽敗死城下厓山草創猶數十萬衆檣旗一
仆中帶挫鋒豈不知事之不可爲大命之不可挽乎人臣事
君苟國步一綫可延不惜瘁竭之力忍須臾之死以冀天
心之悔禍至於據慨祝天怒風湧浪濤使窮海荒原一身與
三百年之宗社同盡太傅亡而宋竟亡矣豈不悲哉予奉
命分巡嶺西海陵寶隸境內而相去幾五百餘里未獲展拜
墓下觀覽山川形勝因嘉邑人向義之誠與賢有司風動習
俗之意竊意其慕瀕大海潮汝之所往來風濤之所噴薄歲
時歆祀靈修來格驂螭駕蚪皆其泯沒中猶恍然
如見能樓露香時也道光八年歲在戊子十一月
明陳獻章陽江何邑侯修張太傅祀詩仲尼憂萬世作經因
感麴參數千年大忠起江濱慈元廟斷作爛映厓山雲近
者陽江尹一念何清勤作祠比厓山兩廟存三仁大封赤坎
墓昭昭概衆聞深悲魚腹冷一躡海陵春厓海風波隔南恩
面目新自然聲氣

應坐使風俗治

歐陽澤謂張太傅祠社稷風雷會經綸將相權由來一旅
衆會是中興年力盡厓門水功存祀國天龍宮骨未冷風雨
洗炭

留相祠在縣尉廳之左宋留魏公初筮仕爲陽江尉嘉定庚申季子碩知南恩恩人思之立祠祀焉其孫檢討元剛有記

黃通志

宋留元剛丞相祠記恩平有二陽陽江簿尉廳我先大夫丞相魏公起家所居官也尉舍餘隙地官閒無事植梅數十本碧磚其下去之四十九年季父碩來作州守爰訪大夫故址有感主人盼隳之邑少尹林居華請効力遂卽其處爲堂繪大夫像以祠焉列梅於庭而傍舊植者曰留公梅示不忘本也堂成季父率其屬奠酒祠下邑之故老秀民咸在相顧咨嗟頌生恭敬已而走書京師謂元剛曰汝其諱之且以林君所述之緊推大父之發軔也元剛尙未齒孫行後十八年迺獲錄事焉追思平生不自知泣下雖然大父之陰德在人而猶有存者蓋丁田水折錢之爲民病也久矣前任者以官爲家漠無一語及民大父獨慨然曰陽江錢荒而米狼戾舍所自而誅所無重困百姓也請於郡郡難之遂白於漕祭酒萬公惟嬰然起謝曰尉愛民如此敢不敬聽卒從輕簡民至今顧之方大父之爲尉也而能以憂民爲心經綸之業已兆于此世人之能以小至大者蓋亦於其初而加之意焉嘉定五年既望

忠蹟祠在崇善坊爲明少司馬沈思孝建後祠廢併祀濂溪

書院

吳志

澹菴祠在縣西南宣化坊明嘉靖二十四年知縣吳煥章建

祀胡銓

舊縣志

久廢今併祀濂溪書院

縣志

明邑人劉誌記畧嘉靖之二十四年歲次乙巳仲冬之月陽

江邑侯吳煥章建胡忠簡公之祠於縣治之宣化坊而屬茲

記之公諱銓字邦衡自號澹菴老人占籍吉州之廬陵於陽

江非生長之邦祿于王庭又非宦遊之地編管新崖又非窳

放之區其自祠于陽江何以公自新徙崖一嘗取道茲土而

顛沛造次崎嶇畏途乃能暢然無悶登賞賦咏直聲雅韻有

足以感人者故邑人詳列其事於邑乘至今耿耿而不磨也

公官樞密編修適紹興七年時相秦檜主和誤國奉朝請而
莫知所措公獨上書乞斬檜等三人以正國法而興問罪之
師辭甚剴切書極痛斥身雖屢貶屢危如一髮牽舟而忠
肝義胆氣槩凜凜若于天下泊其將沒口占遺表愿死爲厲
鬼殺賊其忠憤義烈生死一致又如此故在當時進士吳師
古綬模其書以傳金主不惜千金購之今垂三百年公論日
揭凶穢水消未有能表其過化之地而祠之者莆陽吳侯來
哉公之鄉已列三忠祠周文忠公必大爲之記

林公祠在城東里許爲邑令林恭章建今廢

李公祠在東山寺左爲邑令李右讜建今廢

孫胡二公祠在濂溪書院內祀邑令孫廷鐸胡承謀乾隆十

一年知縣莊大中遷主合祀今主無存邑人宜致思焉

徐鮑二公祠在東山寺側祀遊擊徐思盛副將鮑輔仁久廢

俱同

王守祠祀州守王治今廢其址莫詳

吳志

高明縣

社稷壇在城東北

縣志

風雷雨山川壇在北門外

吳志

先農壇在縣東郊

縣志

厲壇在北門外一里

吳志

關帝廟在東門內

同上

城隍廟在西門內明成化間知縣唐簡建 國朝康熙六年

知縣魯傑重建二十四年知縣于學修葺乾隆十五年知縣

鄭其仁四十三年知縣于煌重修

縣志

天后廟在城東一里嘉靖間知縣徐純建

吳志

五顯古廟在阮公祠右

縣志

真武廟在東郊外

吳志

文昌祠在東門外

同上

名宦祠 鄉賢祠俱在學宮內

阮志

忠義孝弟祠 節孝祠俱在城中

郝志

忠義祠在小崗都鄉民建祀葉貞

吳志

永賴祠在阮塌都石洲上祀兩廣軍門周嘉謨巡按御史田

生金軍門許宏綱御史王命璿

報德祠在清溪都龜峯山下同祀周田許王四賢

陳大夫祠在儒學之左士民爲陳振陽建今圯

熊公生祠在延壽寺之左士民爲知縣熊德揚建今圯

嶺海具瞻祠祀郡守陳灑後改爲三清觀置主於左右俱同上

義士祠在縣治東縣志云城東明第坊祀義士楊楚

縣志

國朝莫若之重修義士楊公祠記畧人生于三季之加一由來尙矣吾觀史冊所載臣死君難子復父仇代不乏人至弟子之盡節于師如我鄉先生義士楊公者古今來殊落落也公諱楚字秀夫其祖椿以江西吉水進士來知南恩州卜於邑之古柳家焉十數傳至公少負氣節敦寔學遊參議葉確齋先生之門得聞春秋大義正統十四年黃蕭養亂公與杜彌教等盟而保障之天順三年潘賊劫掠公與智勇之士設法防禦居民乃安是年西賊倡復確齋守慶遠討賊被傷而死公聞大慟時切枕戈志爲師復仇未幾西賊流劫至蓮塘等都有致仕梁致育年九十被虜公聞擄致育之賊卽陷確齋之賊遂挺身入賊巢斬賊無算恨渠魁未殲追至橫石力戰而死嗚呼師死於國公死於師雪師仇卽以報君父義

勇激發不負生平所學雖古烈丈夫何以加哉邑郡藩臬制
撫高其義白於朝旌爲義士遣行人曹隆論祭入祀郡鄉賢
廟士節也嘉靖二年公之會孫庠生秩呈請郡守會直學道
魏校題准立祠勳公帑建于城東之明第坊春秋俎豆歷百
餘年矣迨乾隆甲寅夏潦水漲城祠傾於是因其舊制
重新之工昉於冬之十一月越明年乙卯正月而告成

恩平縣

社稷壇在縣西

阮通志

風雲雷雨山川壇在城外東南隅

先農壇舊在城東北里許雍正九年署縣趙之簡建乾隆十

四年知縣繆錦遷於文廟之東

俱同上

厲壇在石神山下

吳志

關帝廟在縣署西明萬曆癸酉知縣沈兼重修有記 國朝

康熙二十一年火延及廟焚其後座二十六年知縣佟世男

修復乾隆十三年知縣繆錦重修二十六年知縣曾萼率衆

捐修復買民房二間改建後殿以奉帝三代木主有記嘉慶

七年知縣吳文揚重修

縣志

國朝馮成修重修廟碑記曾君清溪余庚午典試閩中所得士也明年辛未成進士越九年庚辰宰肇慶府之恩平去余家五百里耳余方視學黔中未及見其設施歲辛巳余還廣州君來謁余曰恩平南門之內有關帝廟焉肇建於明在按察分司之左沈令常脩之崇正之末土賊踞城分司署毀廟獨存至我朝康熙壬戌居民不戒於火延及廟白山圯幸耳某懼夫神之弗妥也分廉謀更作土民之好義者復捐金助其成始于去冬十一月至今春二月工竣基木隘也購廟後民房二間之半以擴之大門以外亦擴地尋丈拱隆也香臺甬道之屬次第脩舉規模氣象視昔有加其不以爲功士民好義之誠不可泯也願有以記之余惟爲政之道明則有禮樂則有鬼神祠而淫毀之可也祀而禱禁之可也若關帝之祀載在令典是地方命吏所當敬誠以將事者而或規制狹小浸遠頹壞其何以肅觀瞻而昭禮祀乎曾君是舉其足仰承

聖天子崇德報功之典而於古人興廢舉墜之意庶乎其有合焉傳曰先成民而後致力于神余不知曾君於思能成民與否於思人士之慷慨解囊施無吝於以知其胸淑者深故感化者捷也若夫帝之忠義匹夫匹婦皆知之而生平奇

功偉烈既備載於史冊後世顯威示神之蹟亦時時散見於他書毋容贅也曾君名芾字麗元清溪其號也福建平和人董是役者縣尉王君漢浙江會稽人及邑太學吳生維昌皆例所得書而捐金姓氏則備錄於碑陰

城隍廟在縣治西建於明初後毀於賊國朝康熙十六年

署知縣鄒世傑率衆修復後座以棲神二十五年知縣修世男捐修拱篷香臺六曹甬道以及頭門照牆咸復舊制乾隆三十年署縣沈起恩倡議捐修未竟三十一年知縣曾萼續捐成之有記嘉慶七年知縣吳文揚重修二十四年知縣鄧必恭倡捐重修

文昌廟在東門外南平書院右乾隆二十九年知縣曾萼率邑士人建嘉慶六年奉行春秋二祭十五年知縣仲振履重修

華光廟附城東原係民建乾隆二十七年奉行春秋致祭嘉

慶元年知縣馬元英重修俱同上

天后廟在城外西北隅明代建後毀 國朝康熙二十五年

知縣佟世男建復阮通志

真武廟在城外西北隅吳志

洪聖古廟即大王廟在城北鰲山下久廢乾隆三十一年邑

人建復有記嘉慶十年重修縣志

國朝開書重修鰲山洪聖古廟記鰲山之陽有古廟焉榜曰

洪聖不知其所自始明崇正十四年鄉人修之迄于今百有

二十有六年矣接崩析折鄉人懼于神之弗安也復葺而新

之介鄩君嵩京屬余爲之記余曰是洪聖者非古之南海之

封號耶抑別有神耶如海神焉位在四瀆上

聖皇帝雍正三年崇神封號曰南海昭明龍王不應仍以洪

聖名今天子歲遣官祭之季氏旅泰山孔子譏焉此非鄉人所得而

祭也別有神焉是淫祀也狄仁傑奉正貨而在且毀之惟恐

不足奚以祀爲鄩君曰不然吾聞之祭法能爲民禦災捍患

者則祀之神蓋有大有造於思者請舉其一二可乎

聖祖仁皇帝御極之初有賊夜犯南郊郊民震恐俄有甲士

數百自北來賊驚遁躡其後賊且戰且走會月黑咫尺莫能辨自相擊刺所殺傷甚夥天將明賊乃知其候視向所謂甲士者則無有矣仰望天際但見黑雲冉冉從鰲山下雲中隱隱見甲士狀驚以爲神嗣後不敢復犯思歲丙寅邑多虎傷人及郊禱於神虎遂絕民以是益德神廟而祀之不亦宜乎余乃畱然作色曰有是哉神之爲靈昭昭也我過矣我過矣因援筆而爲之記

石井廟縣東北十里許卽石井營地明季土寇爲亂有夏歐楊三將奉檄集勦捕營於石井以土人馮姓爲鄉導三將皆被害時事孔亟事不上聞忠魂不泯風雨夜輒聞戰鬪聲土民立廟祀之並祀馮以配乾隆十年廟圯邑人鄭晉齡馮厚兼馮國泰等捐資建復

既通志

毛公廟在雲岫山明副使毛公吉追賊遇害於此鄉人捐金修復

縣志

石神廟在石神山下久圯康熙二十五年知縣佟世男建復

吳縣志
今廢

水仙廟在城外久廢康熙二十五年知縣佟世男建復

吳志

名宦祠

鄉賢祠俱在學宮內

縣志

忠義孝弟祠在舊學宮址

節孝祠在城隍廟右雍正三年知縣王樹元建

五夫子祠祀宋儒周程張朱在文昌宮右其西爲青蓮草堂

乾隆三十一年知縣曾萼及邑人捐建

三忠祠在城隍廟左祀明按察使司副使毛公吉湖廣左布

政司兼廣東按察司副使陶公魯兵備僉事李公材乾隆十

六年知縣繆錦重修嘉慶六年知縣吳文揚重修

俱同

明邑人梁維棟三忠傳毛吉字宗吉浙之餘姚人景泰甲戌進士天順五年拜廣東僉事時粵以西流賊殺掠居民殆盡其東幸無而豪宗大戶武斷吞併吉分巡惠潮悉扁懲之豪右歛跡適程鄉賊餘黨作亂吉督戰擒之又討平雷廉高三

稱植寇以功升木司副使下詔褒之委以邊務時新會告急
吉率都指揮孫壁等官軍三千人又得民兵將萬人行至火
燈與賊遇戰破之斬首二千餘級乘勝追出雲岫山去賊營
十餘里時三鼓乃號諸將曰賊營後山箐而前賊田左右皆
山隴若賊必遜入後山爾等明日兩哨進據後山我以情兵
街其中合擊之賊可盡擒矣約黎明進兵是夜昏黑遂至後
期不得已三哨齊進賊巢果敗走後山吉命潘百戶帥精銳
千人據賊營賊多遺財物卒競取之賊遂擁衆馳下刺殺潘
卒皆自營門擁出賊從後追之遂奔潰吉勸馬揮刀大呼曰
力戰無阻衆潰不可禁從吏廖振等勸吉姑避之吉曰吾誓
不與此賊俱生言未已賊衆持鎗趨吉且罵且戰備手斬
一賊斷其臂力不能支遂遇害是日雷雨大作山谷皆震連
日除晦又入日始得吉屍而貌如生昇歸官吏士民哭者相
屬事聞贈吉通議大夫廣東按察使諡忠襄錄其子昇爲國
子生科後亦舉進士官至按察司副使陶魯字伯強鬱林
人以父成浙江按察僉事死節陰景泰五年爲新會丞他合
缺視象精敏祛宿弊正詭籍借胥不敢舞文吏民至庭一見
無能識其姓名威信大著秩滿值西路諸搖寇境百姓諸當
道乞留許之魯設守練兵衆皆樂爲死守尋擢新會合衆進
按察司僉事副使按察使專治盜賊魯有胆畧高廉雷肇諸
郡流賊連年攻劫悉心備禦所戰皆捷嘗平濼下濼下詔褒
之成化間城新興又平恩平陽江賊立恩平縣凡城池公署
學校經管規畫皆可垂久遠累官湖廣布政司仍兼廣東兵
備副使轄治廣西人皆稱爲三廣公嘉靖中命守臣建祠廣

州祀其父子孫遂家焉李材字孟城豐城人進士隆慶五年嶺西兵備僉事時恩陽會寧界中懷寧苦三村賊熾則思平堵海潮破蓮塘毒諸縣督府殷正茂以屬村材約參將梁守愚及遊擊王瑞屯兵恩平近地若常戍然明年分兩軍出其不意克之又執乘金營操于市又以十三村與三村翼籍其壯者爲兵征南鄉阮于道而遣陳紹經圍十三村誅之以立永鎮永安等屯使兵自耕而食諸縣以寧先是當事者畏懦材慷慨敢爲賊辛璣夷好談道所至闡書院聚徒講學士多興起而端溪書院在郡中督府殷正茂落其額遂拂衣去起鄧陽道御史按毛忠襄全傳見明史

廣寧縣

社稷壇在城外西南一里郝通志

風雲雷雨山川壇在城外西南二里吳志

先農壇在城外東北三里

厲壇在城外北二里

無祀壇在城外西南一里

關帝廟在永平墟文昌閣側俱同上

城隍廟在城內西南原守禦千戶所署奉裁改建縣志

文昌閣在城外永平墟吳志

天后廟在東鄉口

北帝廟一在城中一在東墟

三公祠在關帝廟後卽關帝三代

朱文公祠在縣城義學內

忠義祠在山川壇後祀殉難知縣楊家文典史平福履守禦

所吳家祥

節孝祠在忠義祠右祀節婦李氏俱同上

福壽祠在城外西南里許青雲橋右舊爲祝

聖習儀之所後以朔望宣誦

聖諭前則萬壽亭前令叩光任建寺設田畝有僧供祝

聖香燈酒掃邑合黃金從置

縣志

開平縣

社稷壇在縣東門外今遷西門外

縣志

風雲雷雨山川壇在南門外今遷西門外

先農壇在東門外石坦岡

厲壇在城北郊

城隍廟在縣署右嘉慶四年知縣覃志業重修

關帝廟在縣城北今遷縣署右嘉慶四年知縣覃志業重修

洪聖廟在南門外臨河雍正壬子年合城士民同建

北極廟在南門外乾隆五十九年知縣裴盛清倡建

俱同上

文昌宮在義學後座嘉慶八年知縣龔焜建有碑一在蒼城

書院後

火神廟日久傾頽今神像遷入關帝廟內

天后廟在城西四十里赤勘墟東嘉慶三年士民同建

龍王廟在城東十五里雞爪塘村前俱同上

名宦祠 鄉賢祠俱在學宮內阮通志

義祠一在城南一在沙岡一在泮村一在張橋一在長沙縣志

鶴山縣

社稷壇在縣南門外阮通志

風雲雷雨山川壇在西門外

先農壇在東門外俱同上

厲壇在城外西山

關帝廟在縣治西

城隍廟在縣治西南並失志

建

置

廢廟

三

文昌宮在鳳山之麓

天后宮在園墩康熙十一年建

北帝廟在園墩乾隆七年建

洪聖廟各村共十二所

名宦祠 鄉賢祠俱在學宮內

忠義孝弟祠 節孝祠俱在學宮右

並縣志

陳侯廟一在玉橋一在坡亭之東

官廟在越塘村心里廟祀洪聖王觀世音提學魏公毀拆淫

祠此廟不毀故鄉人呼爲官廟云

並吳志

德慶州

社稷壇在城西四里

阮通志

風雲雷雨山川壇在城西北二里俱明洪武二年通判孫文

顯建

同上

先農壇在東門外

郝通志

厲壇明初建在城北一里正德遷於西旋復舊

州志

關帝廟在州治北明初建天順間重建

國朝康熙六年重

修

同上

乾隆八年奉行定祭費銀額

州冊

城隍廟在州治東明嘉靖間知州楊汝麗遷元妙觀二十二

年以城隍廟遷建地爲文廟二十五年知州江萬仞以舊文

廟爲城隍廟萬曆二十九年復遷儒學仍以舊元妙觀爲城

隍廟

州志

文昌祠在城北青雲書院嘉慶六年知州鍾英建

阮通志

文昌書院在城北關帝廟側道光八年署州陳元灝捐廉倡

建

宋訪冊

國朝肇羅道仁和尚許乃濟碑記周禮禋燎祀司中司命天府
祀天之司祿祀文昌也文昌者斗魁戴筐之六星也自宋元
以後始求其人以實之於是天神人鬼二而一矣抑春秋元
命苞曰貫相理文緒司祿賞功進士今之祀者亦曰文章啟
化之是司焉安必其盡異於古所云耶我朝嘉慶六年
詔天下省府州縣各立專廟春秋享祀著爲令乃濟初蒞嶺
西任會建文昌宮於端郡城內用肅祀事歲戊子陳通守元
灝權知德慶州事亦以其地乏專廟集州人建廟城北門堂
規制既備惟稱名曰文昌書院俾諸生講業於此以興教化
一舉而兩得也既蒞事爲文以記之復屬予伸其說焉夫昔
人之制祭祀也其旨不一要惟有輔於國而福于民已耳近
世所傳文昌之事其蹟不可得紀然而士大夫明觀星象幽
質神明默體先王文敷四海之心以爲神道設教則顯文昌
之名而思其義可也德慶州在勝國爲萑苻淵藪百數十年
來教化日興振巍科而登顯仕者不乏人矣

聖天子方廣文明之治躬親展謁爲天下先主祀者其尙敬
承之至於經營始終內外位置

通守陳君之文具在無俟予言

文昌宮其四日司命五日司中六日司祿以其有闕文治故
虞列於六宗周祀以禋燎漢祀以神君厥後歷代崇祀而我

朝爲特盛嘉慶六年

仁宗睿皇帝舉行九叩禮奉詔列入祀典各直省咸以二
月初三日八月十八日致祭儀制與闕帝廟等休哉何禮之

隆歟德慶州舊無專廟僅於城北青雲書院權奉祀事展拜
局促鉅典弗彰且置先代主於後座佛像下益非所以昭誠
敬道光丁亥冬余來牧茲土中心歎焉因與州人士熟籌鼎
建度地於開帝廟之側維時踴躍從事者固多而私執已見
者亦復不一謂其地近北而幽間是大不然按載斗六星爲
文昌斗位本在北建廟北方執日非宜且唐開元禮祀司中
司命司祿於國城西西北宋史禮志謂熙寧舊儀兆司中司命
於國城西北亥位則北方又何礙蓋天下事存難於創始余
深懼築室道謀用特再二開導並首先捐廉以爲之倡於是
衆論翕然鳩工集事以戊子年七月初二日經始閱兩月
而廟成香山峙其後錦水環其前氣象鬱葱規模宏敞爰備
牲醴茗神麻率州人士升降趨踰罔不儼恪攸文昌之占晉
書天文志謂明潤大小齊天瑞臻也將見士習彬彬家絃戶
誦英賢鵠起科甲輝聯以仰副
列聖作育人材用光文教之至意豈不盛哉廟三楹前大門
中止殿後奉三代主外建廂廊以爲承祭官員將事之所旁
多隙地可營齋舍俾諸生肄習其中是又望於後之有志者
故仍以書院名之是役也副貢生何全陞舉報孝廉方正生
員徐組綱原生謝楷增廣生溫承芬梁恂謝
上靈昔力董其事並書諸石以垂永久云

天后宮在州治東五里嘉慶二十年奉行定祭費銀捐脩

龍母廟一在城東一百里靈陵水口吳志卽古悅城廟宋時爲

靈慶府志卷七

建置壇廟

三

永濟行宮

通

宋張維永濟行宮記永濟夫人龍母溫者晉康郡之程水人也其先不可得考記泰始皇時夫人浣於江岸旁得卵如斗異焉持歸藏於器中後有物如守宮破卵而出長數尺性喜水投之江嬉遊自適每夫人往觀輒以魚置其側而去一日夫人治魚談揮刀斬其尾遂不復見久之復來偏身生鱗文有五色頭有兩角夫人與鄉里始以為龍郡守以上聞始皇道中使盡禮致聘將納大人於官夫人不樂使者汝北上道數旬至始安郡一久龍引所乘船還程水使者復還龍復引歸凡數次夫人果以病殞既葬西源上後大風雨其墓忽陷在江北卽今悅城也閻境畜乘皆汗而疲因晝夜號哭有聲如人遠近神之共立龍母廟於墓旁祈禱應答如響唐太和

中李景休會昌趙令則刻文於碑詳矣宋熙寧丙辰歲交賊犯順皇師致討兵甲懽饋之運舟尾相繼未嘗有風波之虞使者具言夫人有功於國宜在典祀戊午詔贈龍母為永濟

委官增修悅城廟樓居宏壯州之西南隅夫人行宮枕江干下臨石碛其居高爽而懷宇頂埃風雨莫庇郡人徐曉王恩

陳京等議欲率眾營構一新眾意未齊會維以罪來隸郡籍

因爲文出踐以制平昔奉行捐貲得五十六萬鳩工聚材踰

月告成祠堂遠深拜閣巍巖門廚廊廡儼然有序制度不侈

不廣而木石精悍可以延永望者莫不偉焉乙丑春日記

按黃通志載龍母曰蒲媪德慶州志仙釋門稱程煥

浦上有蒲母殆卽蒲媪也温乃媪字傳爲之訛廣東

新語亦云蒲訛作温

宋鄧桓顯孝通廟記晉康郡悅城之龍母聞於天下矣自秦迄今蓋千數百年其威神靈享如在凡仕宦之南北商旅之往來者靡不乞靈於祠桓顯過之因究脩廟一事西廡下石碑歲久剝裂無可讀者徒嘆恨而去今蒙恩守土求之民間得廟記二觀夫人之事發跡於程溪以聖母有鞠育之仁思而五龍有劬勞之孝報跡今遷奉之地前後左右山川氣象雄偉殆非人之能卜而有是也以畢歲有數雨以澤四方故能感享聖朝封誥之典今其族類繁衍出入變化於萬里之外驚動禍福故多據形勢以建其廟則血食之奉益廣而無窮者自茲廟始然古今之記述不可以無傳舊記文繁因稍芟去令工併郡之行宮張君維所記

作鑲於石以垂悠久使來者有考焉

國朝秦世科重建龍母廟序畧州城之東越百里有龍母廟自秦而漢而晉而唐宋元明膺封十數朝享祀二千載迄今頌其功稱其德咸嘖嘖不置者豈偶然也耶披晉康志知龍母温氏族於程溪秦始皇以秦龍著漢高帝封爲程溪夫人唐封爲永安夫人又封爲永安夫人迨宋之興也護昭討郭公軍全師克濟太宗嘉其功封爲永安夫人明之始也又護平章廖公軍海不揚波太祖嘉其功封爲龍母崇福聖妃又封爲護國通天惠濟顯德龍母娘娘每歲五月八日遣官致

祭蓋其忠貞之氣匡君輔國福善禍淫凜凜如生是以祀典
崇之百代享之使之永守弗替以報其功也無何而明季兵
災頻仍遺燼毀前任饒公感龍母之英靈不可泯沒糾紳紳
梁正宸陳志阜等率修廢墜以圖剝復然而土木浩繁資費
不易經營五載功成未半予不才濫竽州牧乙巳癸月領符
蒞任舟次悅城水口登岸謁廟見山水盤旋茂林葱鬱古蹟
已燬新工未就不禁慨然有繼饒公之志惟望同志好義共
襄盛舉告厥成功則龍母有靈亦必錫之以福保我元元也

東嶽廟在州北三里宋乾道間郡守吳重修國朝康熙五
年知州秦世科重建

州志

宋黃道重修東嶽行宮記晉康東嶽廟去城三里在郡之主
山之南麓政和間太守傅泰光始為之歷年既久隨葺隨壞
無所考識隆興甲申夏莆陽吳公來鎮是邦下車未幾百廢
具舉獨東嶽祠土木浩繁方侯農隙無何榔洞賊起明年春
賊犯晉康至城下父老士民北向焚香再拜祝曰以神之靈
俾賊遠徂願修祠宇以答神睨七日開解是秋賊平公獨念
曰禱而應神之賜大矣祈而弗報非所以事神也詢之父老
得舊獻香社餘財百二十緡乃度材鳩走於日庀事百姓願
助者日以數十計公命飲食之瓦甍木石丹漆工匠各還其
常直不足則以私帑繼之一粒無取於民經始干乙酉
仲冬明年三月告成殿宇門廡仍其舊制而舉新之且築垣
以周防其外捧土為象以補壞失其存者則加綉焉又繪七

十二司于廡間而廟脩矣公乃率僚屬大合饗以享焉郡之士女來觀者千百人無不以手加額德神之賜而樂公之不殺也是幽而事神明而愛人一舉而二美具於是乎昔

五顯廟一在城內澄清坊一在城外迎恩坊

吳志

東勝廟在東勝門外

忠勇廟在城東一里元建祀陳元師

康王廟在城內州治東一里

三界廟在大南門外

俱同上

名宦祠在文廟左

阮通志

鄉賢祠在文廟右

忠義孝弟祠在學宮東偏

節孝祠在學宮西偏俱雍正二年建

俱同上

大中祠祀漢陸賈舊在錦石山下後移於香山岳廟後嘉靖

十五年知州陸舜臣重建於錦石江濱

黃通志

萬曆二十八年

知州沈有嚴遷建於訓導廢署之西卽今祠

州志

明陸時雍大中祠記肇之德慶西五十里都城鄉錦石下舊
 育大中大夫陸贄祠歲久傾圮且宅兩阻父老惻然念大中
 於身有恩乃闢于州守陸君師阜請葺之君曰是誠在我途
 誠日困度得今祠址負山俯江土剛而陽風氣爽壘以妥靈
 於是師阜捐縮浮費伐材鳩工剝屋一區而遷祀之落成於
 嘉靖丙申九月十八日師阜走使以書帛來請記先是余自
 海北遷廣始識師阜于舟次既書來謂余與大中命氏之同
 且余過而祠適成若期焉嗟乎天下事成于同豈爲是哉
 夫大中賢而能使民修報其祠廢闕數十年得師阜爲太守
 舉之余識之三人偶同一姓而相值如此推是則四海一家
 四海之內凡事之巨細皆吾一家政也協而理之吾同一家
 者之責也而此於一祠已哉按史大中楚人以容從高祖常
 使諸侯漢得天下大中亦與有分時中國初定趙佗自王於
 南粵漢使大中賜佗印至則佗弗爲悞大中原然折其鷲氣
 佗憤然起葦漢又時論理道佗說留大中原飲數月後孝
 文卽位大中復使越說佗去黃屋稱高合比諸侯則大中不
 但遺惠于越已也洪邁夷堅志謂大中原與佗泛舟至此默禱
 曰我若說越王肯稱臣當以錦裏石爲山靈報使還募人植
 花舟以代錦後人曰以各石或謂佗設錦步障於石上與大
 中登飲宋乾道間梁竑旰舟山中夜夢容白稱陸大夫云我

抑鬱于此千餘歲矣君幸臨慰留詩識今竝詩見于志可考也大都奇瑰卓犖之士生策勳死廟食其精神必有所會之地况大中功名偉在使越既沒而思思而尸祝之尸祝而大中來歆之焉可誣也使當時大中說不力難力而辭氣弗能動佗佗稱帝漢將聽之乎弗聽則越民死於鋒鏑必矣越今有遺黎而生聚者未必非大中一說之留也若大中可謂有施於民者然猶私祠未載祀典豈或以徒口辯而嫌于愛金耶余推聖門四科其言語人有不為而後可有為漢去戰國未遠羣雄據土皆有為六國之心而佗特險遠尤未易馴時為使者亦艱矣一言不當則烹醢隨之尙安事金傳稱大中於王諸呂日度不能爭乃病免出所使越裝賣千金分給諸子為娛具則大中亦能達者况所持僅絃之資斧而非直受其金也若大中苟于受而多欲則無以起佗之傲禮又突望使事之成耶史因贊大中位止大夫致仕而能從容於平勃之間約驥將相以憑社稷身名俱榮則其為人又可知也使大中惟有昔者使越之利而無後日安劉之功則天下後世鄙之為貪夫大中有知亦無辭矣噫使不辱命惠流於國廉而不激聖人所貴或者易視大中共固因嗣記以闡其幽以俟觀風者採焉不然則余與師阜同汗也敢以同宗故阿所好而廢天下之至公耶舊名陸大夫祠余易今稱從其秋也名

宋梁竑大中祠詩劉郎辛苦逐秦鹿尙欲長鞭及馬腹蠻夷大長夢不驚存邊權豈乘黃屋江淮魏絳始閉眼忍使驛令

波簷竹陸生手持尺二組喚起老千同分肉詩書尙曉罵儒
禽豈憂榮鷲難拘束築壇拜受王印雄辯冷洽聽不足當
時未有北人輔留寓年深染汚俗仁聞高論耳目新如掩笙
簧奏冰玉大夫豈獨越人重漢廷公卿皆練服陳平奇謀須
深念張子存身甘辟穀此外侯王希識字帶礪功存半誅戮
誰君坐使將相歡燕喜優游劉氏福年少終軍學步高空有
英稱命難續乃知智者應世間妙似庖丁奏刀熟往事浮雲
變滅盡越水悠悠侵山絲荒州寂寞傍僧居日暮飢鴉噪喬
木我來三嘆重遲留

忠景祠祀宋臣趙師旦舊在三洲岩中有憫忠詩石刻宋崇

寧間徙州治東百步元季毀洪武初移建於城東北百步十

七年知州潘宗文遷建於舊址西天順中巡按都御史葉盛

毀州學櫺星門有祐善大王祠以祀師且後圯嘉靖十四年

知州陸舜臣乃建今祠每祭以六月望日以監押馬貴配之

宋劉克莊重建忠景趙侯廟記自晉康邵升潛藩牧守寢重
然中朝士大夫猶憚遠罕就寶祐甲寅詔以前大學錄溫陵
侯祠明叔知府事侯既見吏民宣德意乃謝學廟至忠景趙
侯祠祠垣頽圯像設欹仆泫然出涕曰此吾郡之巡遠也郡

人其忘之乎立出庫錢委寓士梁某馮某協衆力作新廟各
三楹門廡戟衛後於舊廡像侯於前以兵官馬貴配後以王
夫人配繪從死者於兩廡既落成徐侯節國史及陸侯忠顯
下莫敢不供造帳騎來求余記按侯節國史及陸侯忠顯
堂叙記詳載備元終閔忠之詩尤悲壯後有各筆無以如矣
昔天寶之季兵起幽劍河比二十四郡同日陷賊惟二顏著
節及皇祐開盜發涇州海豐十州官吏皆望風遁去惟趙
侯及世侯封二牧嬰城死難與二顏相望於千載然魯公猶
不免委邵歸胡非立晚節幾有愧于其兄矣故余反弱趙侯
之事有深慨馬康端接境同時端守職取而去天子薄其罪
奪一官而已後又占入館閣使侯遠引魯公近援端守公議
未必責國忘未必加家未必毀身未必死而侯顧於禍福死
生之際明所決擇如此豈不凛然烈丈夫哉史言侯有兵二
百而陸敘言兵不滿百權侯者陸當以陸爲實徐侯字仲晦
清尚名節此下車第一義余既探山藪兮溪蓀挹寒泉兮盈樽
神詩二章趙侯名師且辭曰探山藪兮溪蓀挹寒泉兮盈樽
鼓駭兮類垣今駭侯之來兮兩輪山川兮良是陵谷兮覆胡昔
敗屋兮俱亡設與邵兮俱存春禱兮秋賽舍兮民侯之裔孫生
與邵兮俱亡設與邵兮俱存春禱兮秋賽舍兮民侯之裔孫生
敢該祭散兮人歸廟兮山空嘆濁世之不可久兮悵風馭
之如龍侯將去兮返顧憂我民兮瘞痾布和風兮甘雨魚
鱗盈兮稔稔豐侯於吾民兮所存厭敷民之報侯兮無窮
明府同知永嘉李貞記忠景祠者宋賢善大夫趙公祠也
晉康志公諱師且字潛叔軍州武城人皇祐四年以贊善大

夫出守康未越月西寇傑智高犯境公及兵監馬費以兵三
百戰而役事上聞歸公光祿少卿立廟于子城東百步崇寧
五年賜額曰忠景靖康初封諡惠侯慶元間郡守趙師輝
修其廟皇祐二年徐侯明叔更修之以馬監兵配享闕寢廟
以祀王夫人簡推梁葵奇戶曹馮復享董其事中書到公克
莊記之其碑無傳莫知如何元季廟址享缺迨至大明道忠
烈士載在祀典定神騎曰宋贊善大夫趙公之神命有司每
歲六月十有五日祭以少牢仍以馬監兵配廟移置於城東
北二里許其地湫隘棟宇卑陋門闌不修羊豕踐汗顧不若
淫祠之崇潔也洪武十有六年春象山潘先生宗文授奉訓
大夫來守是邦請見不安於心明年歲在甲子遂築戶曹之
採者宿馮仲文度地鳩材命工更新以四月己巳立木既告
成規模不後堂廡有嚴去舊所纔三十餘步而爽塏焉且置
守者六月望日乃率僚屬吏民齋宿致祭往肥酒清李貞始
末參佐職獲陪拜祠下逆執節篆廟額記其事以示將來後
之官於是邦者以吾守之心爲心率其吏民有終無廢則賢
善亦必錫福矣

宋轉運使元絳憫忠詩轉戰燕門日再晡空拳猶自肯戈矣
身垂虎口方堅坐命棄鷓毛更疾呼拊上杲卿餘斷節松間
柝白得道孤吁嗟天下英雄氣不慄西山士大夫宋郡守
郭祥正忠景祠詩郡賦鳴金鼓孤城頌使星形骸糜矢石忠
義貫丹青皎皎張巡傳新李
子名吾詩愧消滄何以助南溟

先正祠明成化間州判莊楷建今圯俱同上

興化祠在城北四十里祀州人陳頤吳志

惠德祠在城隍廟右祀都御史張嶽

楊公祠在城東北百餘步祀御史楊信仁今廢改祀於名宦

祠

熊公祠在城隍廟左祀州判熊文綬今廢附祭於陸公祠俱同上

五先生祠在明倫堂東祀濂溪明道伊川朱文公張南軒五

先生今廢從祀兩廡縣志

顯忠祠在內廂祀千戶拜住死難有功今廢附祀於忠景祠

劉公祠在學宮左祀劉公朝今圯

沈公祠在三元塔西畔圯

封川縣

社稷壇在縣北一里

吳志

一在城西二里

縣志

風雲雷雨山川壇

在社稷壇南俱雍正十年建

同上

先農壇在城東

郝通志

嘉慶五年知縣陳國柱捐修

縣志

厲壇在社稷壇北

吳志

關帝廟在縣治前二十步

國朝雍正三年秋追封三代公

爵神位供奉後殿春秋致祭

縣草志

城隍廟在縣治東宏治九年知縣莫并倡修

國朝嘉慶十

三年署知縣潘恩紱倡助重修

火神廟卽華光廟在縣東登龍坊乾隆二十八年三月奉行

春秋致祭

文昌廟雍正元年邑令閻宗衍鼎建在縣北九年冬邑令張

元方遷於東山上嘉慶六年冬奉行祭祀

天后宮在縣前錦衣坊嘉慶二十年四月奉行春秋致祭二

十三年七月闔邑紳民重修

俱同上

元帝廟在東廂登高山頂

吳志

名宦祠 鄉賢祠俱在學宮內乾隆五十年知縣彭蔭修

阮通

志

忠義孝弟祠在大成殿左

節孝祠在景奎書院之右俱雍正三年建

俱同上

忠穆祠祀宋曹觀吳志舊在城北二里明嘉靖二年知州潘海

燬五通祠遷建

黃通志

按曹觀宋皇祐二年爲封州守歿於儂寇謚忠穆

宋元絳攔忠詩并序贈太常少卿封川使曹君觀與康州趙使君師旦同時死節使君烈考季父替以諱言介節有名賞

肇慶府志

卷七

建置

壇廟

學

世予昔介江而朝舉使君方在章幙常以有守荐于朝雖之
至州也使君轉戰數刻殺傷大半已而合圍急攻軍吏潛遁
力窮被擒使之拜不屈而死倉卒驚輦上水濱使君忠憤獨
亡身平明戈劍摧城闕俄頃衣冠落路塵志士一門能許因
老夫當日亦知人朝廷贈誌
哀榮極香骨千年合有神

狀元祠在文德鄉祀唐狀元莫宣卿

吳志

開建縣

社稷壇在縣北一里

吳志

風雲雷雨山川壇在縣東一里

同

先農壇在城外東二里

縣志

厲壇在城北二里

吳志

關帝廟在城南

阮通志

城隍廟在縣東乾隆二十一年知縣張光祚王楚士建

文昌廟在縣南

俱同上

龍母廟在城南里許

吳志

名宦祠 鄉賢祠俱在學宮

阮通志

忠義孝弟祠在學宮內

同上

節孝祠在縣南門西街

縣志

孝子祠在縣南門西街口今圯

狀元祠在三都金鑲村狀元井之上

俱同上

建置

五

梁津

肇慶府

高要縣

北門橋在城北富安坊宋政和間知府鄭敦義建

吳志

景星橋在城西一里鄭敦義建

郝通志

東澳橋口在馬頭距城東一里古澳

吳志

壽仙橋在崧臺驛左舊在西澳口以木爲之明萬曆二年知

縣張延熙重建易以石

郝通志

玉竦彩虹橋在七星巖前北曰彩虹南曰玉竦中承石墜以

跨瀝湖隆慶間建

吳志

星渚橋在斗柄堂前渡

阮通志

明巖文輔建星渚橋記郡郭之北境諸峯如屏奇石錯落于

下如七星中開巖洞高敞龍窟前帶溪水唐人有詠石室

屋

梁津

星

舍古桂秋首是已遠人詞容繪景廣詠賦之天台紫陽然
遠服膺上未聞經始迨嘉靖間參政自湖吳公始于此造端繼而
道築臺以備宴集外作亭曰臨壑表飾是岩實此造端繼而
總制元洲張公督撫鏡湖熊公蓋替燕酬乃于巖竇轉比之
坪作亭曰星聚無何邵守新溪熊公于巖南壁適中建觀音
堂堂前繞隄爲沼沼中築臺爲亭亭北爲橋以通道郡中探
奇者相與蹂躪縹緲石逾歷下人跡罕至之所其間幽谷邃河
若棟若椽可娛可息者不盡名狀于是鑿山成路于其巖之
稍平處築室金碧掩映芬簪上升祝楔昭靈遠邇游人有蓋
相望諸父老謀于予曰星巖景象曠古維新而溪之病涉未
善也蓋倡衆爲橋以圖示濟予釋然曰善哉斯舉也爰計厥
直歛厥貲境內忻然樂輸聚材鳩工以敏于事者董其役溪
闊凡五百餘尺兩岸甃石爲堤溪之中築石爲梁廣五
尺堤廣八尺墊倍之歲在壬申仲春啓工兩閱月而落成
躍龍橋在石頂新寶明萬曆十二年知府王泮建十四年圯
于水知府鄭一麟重修俱有記

騰蛟橋在新羅都北港明萬曆甲寅郡守戴熺建區大倫有

記俱同上

按知府鄭一麟因港建橋自爲記稱成于萬曆戊子

孟夏凡三月在戴燻前

羚羊峽路諸橋正統間知縣陸駒修自明迄今遞有修理道

光三年縣人重修

縣志

黃涌橋在南蓬山麓明進士李挺材區大倫等建 國朝道

光四年鄉人重修

和順橋在宋崇水內明建

俱同上

蔡公橋在寶查都明正德十四年橫查人蔡彪建

吳志

新萌橋在寶查梁家前古橋也明崇正四年知縣張明陞重

修

邀月橋在蓮塘墟外明崇正五年建

福津橋在橫查水口康熙十年建

羅隱橋在羅隱塌康熙五十五年知府宋志益重築

俱同上

光二年鄉人重修

縣志

鶴嘴橋在南岸村乾隆十一年知縣王士瀚建二十五年知

縣王永熙修

芹田橋在芹田村乾隆四十六年修

軍屯橋在軍屯村

雲濟橋在宋崇水內嘉慶四年修

俱同上

大坳石橋道光五年署高要縣葉承基倡捐創建

採訪冊

渡

石頭頂渡在龍津坊

吳志

南岸渡在縣西百步正當古驛道

白沙渡在龍潭都

羅紗渡在新羅都以上皆元至正間設

俱同上

鵝鬱渡大廟渡小廟渡俱在桂林都阮通志

金津渡在陶山都吳志

大湘小湘渡俱桂林都

大運渡在漾源都

筭洞祿步渡在祿步都

大鑊水渡在城南二十里

河灣渡在城南四十里

後瀝渡在城東三十里

長利渡在城東五十里

橫查渡在城東天妃廟開抵橫查都

廣利渡抵廣利墟

石洲渡抵高明俱在天妃廟前開

長河渡在城東小市頂開抵佛山

西南渡抵西南

德慶渡抵德慶

江門渡抵新會俱小市頂開

閩江樓河下橫水渡二隻乾隆十九年添設

梧州渡在新羅北港開又改白沙開今廢俱同上

要岡渡

金利渡

金洲渡俱縣志

四會縣

普濟橋在城東門外卽龍橋宋淳熙間架木爲之其後屢修屢圯康熙十二年知府史樹駿知縣李復修重建易名通會

二十六年圯知縣陳欲達修橋上左右列肆以其租爲蓋造

資費

吳志

接龍橋在縣東南二里中有觀音閣萬厯間知縣陳一元建
今廢

太平橋在縣治前元至正間建萬厯三十一年知縣陳一元
易以石梁

三登橋在城西北二里仁壽都相傳里人林師老林帥老薛
彌老同時登科故名

石橋在城東二里成化間重建

迎仙橋在西門外舊名巷橋洪武間旱鄉人往貞山迎貞烈
仙禱雨過此橋遂雨因名

清寧橋在南門外萬厯三十三年知縣彭名世建康熙二十

六年知縣陳欲達重修

沙木灣橋在城東跨濠原係木橋後鄉民易以石

大塌橋在城南六里

清風橋在城東七里

青塘村按縣志作清塘鋪

長塘橋在城東七里

花山橋在城東十五里

步雲橋在儒學宮前卽泮橋俱同上

青草橋在羅源鋪

縣志

水花潭橋在留甫鋪

寺前橋在華嚴寺前

聚龍橋引鳳橋俱在下埔

德濟橋在白沙嶺下俱同上

渡

河南渡在縣前江

吳志

黃岡渡在寺山都

西沙渡在城西二里

獨岡渡在城西十里檄檀都

寺岡渡在城東八里舟官都

東山渡在縣東南六十里隆湖都

省城渡歲輸賦三錢在縣

佛山渡

西南渡

橫江渡

廟邊渡俱在城東二里社山都今創有橋渡廢

俱同上

新興縣

文昌橋在東門外舊名仁義橋其創不可考宋紹興間州守王煥章重建或木或石圯修不一元元統三年達魯花赤薛里吉思復架以木明萬曆二年知縣王民順改建石橋更名文昌二十四年知縣姚舜牧重建姚舜牧有記明末燬國朝順治十二年重修康熙十一年復修乾隆十九年圯於水知縣劉芳重修嘉慶七年知縣沈寶善捐金倡紳士簽修橋面盡填大石費金千餘橋東建昭功祠奉王姚沈三君祀之適姚舜牧裔孫姚文田巡試至新捐俸百金命邑進士伍士超買租增修知縣吳文照復修橋西之亭

阮通志

長春橋在縣西一里

吳志

利涉橋在縣北十五里架木爲之覆以土因名土橋明萬曆

八年知縣陶魯易以石今又圯遇用始令就近修築土木焉

同上

洗河橋距城五里乾隆三十三年

改建盧水與滄水合于鄉

城五里通津也舊無橋乾隆三十三年三月歲貢生梁冕等與鄉人架以木并用工開兩河合水內浮積沙地五畝八分以爲造橋歲修之用後楊覺相梁英時陳子集三人互爭其田經署縣李偉判結斷令批佃耕輸以爲憑年橋費之需今易以石秋冬行人

利涉次既通志

興文橋在喬亭村尾萬曆十五年鄉長梁汝實等建

吳志

夫人橋在縣東二十二里喃村戶部郎中彭津妻葉氏建俗

呼爲夫人橋

迎恩橋在縣東三十里白土村署縣事恩平知縣劉漢同士

民等建

履橋在縣西南五十里河頭白馬廟旁明崇正六年僧見雲

募綠建

榕濟橋在縣西南七十五里獨榕營前山旁乾隆二十二年都司胡大勇知縣劉芳創建并率紳士兵民修理榕衢大路

青雲橋在縣西南八十里天堂關鎖水口

大坵橋在縣西南八十五里天堂

沙灣橋在縣西南九十五里天堂

長壽橋在縣西十里走水嶺下乾隆三年監生梁敏建

雲禮橋在縣東三十五里雲禮村芙蓉坑吏員麥是馨建

永安橋又名官橋在縣東四十五年高村之前監生趙允洙

趙湛趙宗愈吏員趙允超建

俱同上

悅濟橋在悅塘村東乾隆二十五年建

阮通志

奔岡石橋在鳳翔里村側距城五里

碧雲橋在縣東二十五里迴龍墟上嘉慶二十二年建其路上通恩開高雷下接高要東安實通衢也

金靈橋在碧塘村側去縣二十五里彭族捐金倡屯村盧扁垌村創建雖遇巨澇此橋可通往來

大路拱橋在白土村相傳爲麥姓所建後被水冲坍嘉慶十七年重修行人賴之

邏薦橋在白土村左鄉老麥亨三等率族屬建

鎮安橋在迴龍下墟嘉慶二十年建

三多橋在布午水口去縣二十五里嘉慶五年董世佐區垣倡修捐金建爲石橋

舍村石橋在縣小西路十五里嘉慶二十二年建

午村石橋在縣小西路二十里嘉慶二十二年建

大路圳石橋在悅塘洞嘉慶五年建

月山橋在古院村右嘉慶二十年建

俱同上

渡

洞口河橫水渡在縣北十里康熙十四年官設

阮通志

錦山河頭渡在縣西七十里

同上

廻龍河口橫水渡在縣北十五里乾隆二十三年官設

吳志

洞口渡在縣北十里由洞口開至新橋肇慶

良洞逕口渡在縣西十里良洞村旁八里順治十八年鄉民

設

團院橫水渡在縣北十里下排村前乾隆四年民設

俱同上

洗河渡在南路舊由南路首事給發錢穀今歸國恩寺僧給

發

阮通志

扶桂河橫水渡在縣東扶桂村前紳士籤金置

通利河渡在猪肥山係東北要津乾隆四十八年貢生董琳

職員麥廣明等倡置渡船一隻與茶亭一所知縣胡昌陽批

准建渡夫房屋搭蓋茶亭并於前後左右多種竹木往來人

等不得斬伐

俱同上

索水渡在縣東八十里今裁

吳志

朋沙地渡由朋沙地開至河頭

同上

陽春縣

南門橋在南門外正街初架木爲之乾隆二十五年圯于水

邑人徐耀捐貲易石

縣志

清水河橋在南門外八里乾隆十六年生員柯日旦築

吳志道

光五年教諭蕭士嘉倡捐重修

縣志

普濟橋本名洗馬坑橋在西門外明崇正十年知縣王魁春

捐貲重建更今名

縣志

青石橋在城南三十里平山村跨青石小溪

吳志

栢木橋在縣西四十里太平都明天啟間易以磚 國朝乾

隆十二年邑人福建沙縣知縣黃秉乾捐金改築以石

縣志

高陂石板橋在西河乾隆二十年監生郭逢彩民人柯廷鏞

造

沙河石鞏橋在西河乾隆十七年柯廷鏞郭逢彩生員游尙

謙陳彩龍謝仁尙陳文卓呂淮徐約中等捐建後圯嘉慶二

十五年里人顏立槐等倡捐改鋪石條

俱同上

水壩橋在縣西南六十里太平都康熙四十一年監生劉啓

備修造乾隆十二年舉人劉宗湘重修

吳志

容子橋在鳳北堡康熙四十五年生員黃錫虬造

蓮塘石橋在鳳北堡乾隆十五年生員林上昭林宜揚里民

林澤林英等造

山仔橋在八甲堡乾隆十七年黃秉乾造

俱同上

黃塘石橋在那旦堡乾隆十九年里民陳盛等捐資造

縣志

那旦石橋在那旦堡士名泥橋乾隆二十年里民余雲昇造

吳志

碧達橋在縣西二十里南鄉都

同上

大河橋在城北八十里雲霖堡初名雲霖橋被水冲塌乾隆

四年生員鍾如輝監生何經勸捐修復更今名

縣志

小河橋在雲霖堡小河初爲木橋乾隆十一年坍于水知縣

郝士敏生員顏成一勸助修築加石板其上

鳳凰原志卷一
三十一
鞏橋在那烏堡馬子陂雍正九年監生梁朝陞等捐建

水湖石橋在青山堡中步乾隆二十一年里民關月昇勸捐建

石陂河橋在岡脊堡乾隆三十四年生員陳崑山建

麻塘地橋在城東里許嘉慶二十三年監生吳桓豐陳開泰倡捐重建

開草閣石橋在城西南五十餘里鳳北堡監生李士茂捐建
定甯橋在鳳南全石橋三道陳洪佐倡修

潭水涌橋在城南六十里原架木三道被水陷嘉慶八年職員李家裕倡捐以石修築

河村垌橋在城西南六十里現堯堡里人張鳳梧等倡建
梭羅陂橋在城西南七十餘里現堯堡嘉慶十七年歲貢生

李家翰倡修易木以石

三板石橋在城西南八十餘里鳳南堡亞媽塢乾隆五十五年監生李家祥倡修

望天湖橋石橋頭橋大堰壚橋俱在順陽都高岡堡

大車埒橋流水埒橋俱在順陽都青山堡

俱同上

龍灣河橋在南門外里許道光五年知縣劉開域倡建

縣志

渡

河亭渡在西門外舊志有船有夫官給之

縣志

沙尾渡在西門外一里沙邊

縣志

北隴河渡在縣北十里舊志有船有夫官給之

潭洛渡在縣南五十里

渡口渡在縣南十一里南鄉都

潭南渡在縣南五十里俱同上

下馬水渡在縣西南三十里官渡縣志

按吳志作亞媽水渡在縣西二十五里

水月官渡在城北一里舊志官渡

那旦渡在縣南六十里俱同上

蘇俗渡在縣南七十里既通志

那烏渡在縣北六十里官設上下二渡吳志

三甲河口渡在縣西南八十里官渡縣志

六甲蘇催渡在縣西南一百里官渡同上

灘潮渡在縣西北四十里吳志

葫尾渡 水園渡俱在蓮塘堡

中步渡在青山堡

合水渡 那雄渡 高岡渡俱在高岡堡

俱同上

陽江縣

北門橋在北門外宋紹興年間建明嘉靖間重修 國朝康

熙二十年易石橋

阮通志

潮麗橋在北門外宋熙寧年間建

吳志

觀光橋在觀光村宋紹興年建 國朝康熙九年知縣孫廷

鐸重修

阮通志

乾隆四年貢生謝研再修道光八年知縣倪禮

捐倡合萬厯橋並石路俱廣加修築肇羅道許乃濟爲之記

冊

國朝許乃濟記輿梁道路王政所先凡以利民也陽江爲廣

肇高雷孔道城北三里舊有觀光橋創于宋紹興間 國朝

康熙九年合孫君廷鐸重修之因改稱新橋北五里許又

有橋曰萬厯成於明神宗時故名二橋俱長逕四丈餘日久

俱以湍流冲激就比道路亦多坎珂行人病之於是大尹倪

君禮捐俸金爲之倡邑明經孫奉乾茂才區詳詰上舍生賴

星

肇慶府志

卷七

建置

梁津

延良何兆蓋皆老沙道欣輦相與襄厥事以順德李上舍時
選董駁工而所欽尤厚始於道光年四月迨八年五月告
成糜白金三千六百兩有奇二橋衰如其舊衡則加廣下砥
以柱上翼石欄道路之坎河者悉伐石築之稱蕩平焉倪君
以介巡方所轄乞紀其事余謂是役探合王政利民之舉而
徵人諸義士之力大尹勸民之實心不及此皆足多也爰爲
之記道光九年已丑夏

石路橋萬歷年間建舊名萬歷橋縣志道光八年重修記見上

黃竹橋在山口舖前吳志

沙埭橋在沙埭村康熙七年叅將范明道易石二十三年知

縣孫之瑜重修縣志

樂安橋在樂安舖吳志

報村橋在城東南十里乾隆初年邑庠李如靖重修再圯里

人復修縣志

官山橋在官山舖西今廢吳志

那離橋在那離舖今廢同上

三舖橋 石覺橋俱在縣西嘉慶十七年邑人重修縣志

憑村橋在憑村舖前今廢吳志

甘濠橋在甘濠舖前今廢

麻思橋在麻思舖俱同上

丹成橋在太平城東縣志

蒲牌橋在蒲牌舖吳志

平望橋在平望舖同上

洗脚橋在城東南三里乾隆年間邑紳鍾榮玉重修縣志

大埠頭橋 華濠橋 麻茶橋 象山橋俱在報村頭東乾

隆三十年生員許廷佑倡修

牛路涌橋在頻鉢村西

麻直橋二一在村北一在村東

織箕橋二一在墟上一在墟下

虎頭山橋在織箕東

山尾橋在石潭西數里山尾村下

北慣橋二一在墟北一在墟西

太平城西橋

石橋舖橋麻思營下五里

華衣橋在華表西南

荷包袋橋過麻濠河嘉慶十七年邑人羅潤秀建

俱同上

渡

三洲渡在縣南六里

阮通志

三江渡在縣西六里

西賴渡在城西

東平渡由城西出北津達東平俱同上

西蓮塘渡織篋墟東北八里縣志

那龍渡在東路九十里

尖山上下二渡渡頭泥濘麻洞陳鄭氏修

橫梁渡在橫梁頭俱同上

瓦窑渡在地平都縣志

石崙泉渡在端陶前縣志

北津渡在縣南三十里縣志通南津縣志

海萌窰仔渡 三羊渡 那西渡 那洛渡 埠塲渡俱在

縣西南大埠頭縣志

麻龍渡在頓鉢村

同城西大埠頭

縣志

頓鉢渡一東適三舖一西適端逢在頓鉢村

吳志

開村渡城西南十餘里

縣志在北宿村

既通

造性渡城西十餘里

縣志在北宿村

既通

北宿渡在北宿村西

縣志

北寮渡由海陵北激村後下船抵北寮

吳志

麻禮渡縣西南三十里

同上自海陵北抵黃村

縣志

豐頭渡二一東達柳埠一北達那羅仔

同上

牛矢渡在縣西南三十里自牛矢至那羅八里

吳志

觀光渡城西北一里過三江

縣志

麻橋渡城西北二十里康熙十三年邑民捐造

吳志

龍濤渡城西十二里過麻布演

縣志

碧橋渡城西二十里過謝村

沙河渡在縣西往陽春

俱同上

塘牒渡在縣西

阮通志

大墟渡在大墟汛前康熙十三年造

縣西九十里

白石渡在白石村

阮通志

波頭渡白石橫過湖退可涉

縣志

儒峒渡一在儒峒墟西通電白界一在儒峒村通東路上

縣西一百八十里橫過五藍電白界

吳志

石牌渡自海陵西北通黃村

縣志

那龍長渡在城外西埠達那龍九十里

吳志

三丫渡往東平

縣志

西岸渡城南外西灘

同上

端逢渡今廢

吳志

雙捷渡東北過漠江

縣志

漂竹渡太平下十五里

車河渡虔儒五里

俱同上

縣西一百六十里今廢

吳志

官寮地渡城西七里

縣志

大萌渡二一北通那洛一南通白廟洲

阮屋萌渡二一北達新萌一南達千秋園

柳樹渡龍津坊前

新萌渡北通那洛

石潭渡北通白廟洲以上俱南二十餘里

對岸渡北通沙角萌

霍頭渡達三江城西北數里獨州一

蛟龍灣渡城西南數里

毛屋渡在造性渡上

信倫渡在石灘下

第一埭渡頓鉢西二里

苦草渡北過織篋坡尾河會處

織篋下渡過虎頭山

倉面渡過織篋墟

滑橋渡自那旦東通洋邊

洋邊渡西通織篋

溪頭渡南通北寮

北慣渡二一在墟上一在墟下

藥樹渡坡尾墟下數里

坡尾渡東南通程村路

火燒角渡在雙魚港裏

平岡嘴渡墟左以上三渡俱虔儒三

金村角渡平地一潮退可涉

園頭渡蟹場村西

壽場渡喬馬二

麻汕渡在墟前過漠江

大洲渡織簣墟東九里

塘拔渡城北三十里獨州二

黑灣渡墟前南過那龍河

橫斷渡柳埠東二里那羅村西七里

牛場渡城北二十里獨州一

寺頭渡太溝墟東

北澗渡在三丫東

端陶渡村東北平地一

東村渡喬馬三

墩運渡村北平地二

安埠渡南河一

那霍渡平地一通石崙墟嘉慶十年造俱同上

高明縣

小海口橋在南門外隔河長四丈高九尺嘉靖九年知縣陳坡建久圯乾隆五十年霄邊村耆民何幹長捐購石梁二條

縣志

官田壩橋在田心都知縣陳坡建防通志

遊魚橋在清泰都知縣陳坡建邑人羅煥章購石重修吳志

萬載橋在太平都內嘉靖十一年高田鄉民捐貲建縣志

丙州橋在丙州鄉長十丈高一丈五尺知縣陳坡建乾隆四

十八年各鄉義助壘石重修邑舉人嚴紹芳爲之記同上

喜鵲橋在清泰都吳志

新基竇橋在清泰都通羅塘陂水

青石橋在太平都

石龍橋在清溪都石奇堤內路通南海宣德間生員關同建

孔塘橋在田心都

大塌橋在田心都自喜鵲橋至此俱嘉靖三十七年知縣徐

純建

俱同上

墩嘴橋在太平都隆慶二年雲水鄉民建縣志

東關竹園橋在太平都潭邊村前吳志乾隆五十八年閩邑捐

資加石重修縣志

車步陂橋吳志

金灣橋在上倉步都綠塘村

水口橋在楊梅都白鶴村

洞心橋在楊梅都對村前知縣于學重建

官路橋在岑水長岡墟畔

獨岡二橋在清泰都

古水二橋在田心都

清塘橋在清泰都

三項塘橋在清泰都員岡村自東關橋至此俱萬曆十年邑

舉人羅煥章建俱同上

水甕橋在大幕都近城西五里萬曆二十七年唐際村耆民

何休建

吳志

崇正庚辰其孫何萬春重修

縣志

利濟橋在文峯山下羅格村候選經歷楊子德建

吳志

洗村橋在村前萬曆戊子年知縣曾宗烈建

同上

新市石竇橋在濠基村上衆建

縣志

官逕口橋往郡通衢乾隆八年北門內耆民羅美錦用石創

建

邑廟湖石橋乾隆十九年生員劉健捐建知縣江璣記

井山步月橋乾隆四十年村頭鄉民建

都權長樂橋在合水南路乾隆四十一年重建

高村橋在高村大廟前長濶數丈

石坡橋在羅丹村界路合通衢乾隆五十四年小洞村貢生

陳錫銓建

牛角湖橋樂和鄉建

供同上

合水墟石橋在縣西五十里長十餘丈道光八年闢墟舖民

捐建

縣冊

陀柳石橋道光初建

同上

渡

南門渡在南門外

阮通志

舊無渡船民苦徒涉嘉靖七年知縣

陳坡設渡夫一名

縣志

今附近鄉民自備小艇撐送

吳志

東關墟渡在東關墟

縣志

雙節渡在羅塘都楊梅水口

吳志

爲牙岡嚴門何氏莫氏二節

婦設

縣志

三洲橫水渡在清溪都洪武間鄉民闕韶政等告設橋梁未

肇慶府志卷七

建置

梁津

堯

幾衝卸今鄉民以小艇撐送上

石奇渡在清溪都通南海鄉民撐送吳志

三洲渡原在田心都通省城佛山縣志

江門渡原在三洲官渡處通新會順德同上

石洲渡原在石洲通府城係阮埙都鄉民撐送今改爲靈龜

渡吳志

油麻車渡原布練村廖翰英捐建石橋未幾衝卸乾隆五十六年閩邑簽設義渡置田爲渡夫撐送工食及修渡之費縣志

恩平縣

東水關橋在東門外阮通志

西水關橋在西門外二橋俱明嘉靖間教諭李錦建吳志

朝陽橋在東門外阮通志

歇馬橋距縣二十里在歇馬舖前

吳志

南水橋舊在西門外今移南門外

阮通志

西浮橋在西門外

同上

潭流水橋在潭流水縣北四十里

縣志

濼水萌橋在濼水

牛岡渡橋在牛岡距縣五十里

俱同上

左步水橋在縣西九十里

阮通志

蓮塘頭橋明萬曆二十六年教諭何元輔買石修築因名何

公橋今圯

吳志

西門嘴橋乾隆二十五年監生馮元琚建

縣志

李官車橋在縣北塘頭村前乾隆二十七年建

阮通志

石勞坡橋在縣東乾隆二十八年生員吳陽純修建

縣志

長禧橋在長嶺村乾隆二十八年村民馮榮昌族建同

禾穀坪橋乾隆二十七年建阮通志

馬鞍山橋乾隆二十九年生員吳名時建縣志

灣表橋在縣東歇馬村右乾隆三十一年村民梁聖鎮建

永昌橋卽樓運營橋乾隆三十年修復俱同上

歇馬村橋在縣東乾隆三十一年建阮通志

普濟橋在水浪坡嘉慶十二年建縣志

永頌橋卽金坑橋嘉慶十五年知縣仲振履建

廣濟橋卽官渡橋舊設渡嘉慶十六年建

十字路橋嘉慶十年修俱同上

青雲橋在學宮青雲路口道光六年知縣石臺倡建縣冊

中渡橋在城南中渡口道光六年訓導楊秀拔倡建同上

渡

印岡渡卽南門渡

阮通志

歇馬渡在縣東三十里

吳志

廟子渡在縣東四十里

潭流渡在縣北三十里

牛岡渡在縣北五十里

左步渡在縣北九十里

俱同上

稅廠渡在廠前

縣志

大田小河渡

大河渡俱縣西三十里

那淡渡縣西五十里

俱同上

廣寧縣

青雲橋在城南半里

阮通志

接龍橋在南門外一里志誤已上二橋嘉慶十二年閩邑紳士

重建

縣志

都港廣濟橋在南門外明萬曆二十六年建今廢吳志遞年冬

以木爲之

縣志

官步石橋邑紳楊毓鳳倡建道光四年修

洛口石橋 春水石橋俱乾隆三十二年監生劉成爵建道

光三年其子重修

龍津石橋鄉人建 三星石橋俱在新招舖

羅紋坑口石橋鄉人建

俱同上

渡

厚街渡

吳志

在官塘舖

縣志

大良渡

吳志

在官塘舖

縣志

大坪渡

志

在平岡鋪

縣志

沙口渡

志

在官塘鋪

縣志

羅鑊口渡

志

在官塘鋪

縣志

黎峒口渡

志

在官塘鋪

縣志

石澗渡

志

在石澗鋪

縣志

羅紋口渡

志

在新招鋪

同上

春水渡

志

在拆石鋪

縣志

扶羅渡

志

在拆石鋪

縣志

南鄉渡

在平岡鋪

東鄉渡

在寺前鋪

顧水渡

在顧溪鋪

金場渡

在羅坑鋪

資慶府志

卷七

建置

梁津

七

桂溪渡在顧溪舖

白石渡在折石舖

新招口渡在新招舖

曲水渡在程村舖

黃田口渡在西岸舖

石狗渡在程村舖

俱同上

開平縣

波羅橋在縣東三十里平康都

吳志

土陂頭橋在縣東四十里登名都

沙堤石橋在登名都

古州學顏橋在縣東四十二里登名都

龍蟠橋在縣南二十七里路通峴岡

古宅橋在縣南平康都極高峻

張橋在縣西十里長靜都康熙二年造

蛋魯橋在縣東十二里平康都

倉前石橋在縣西南三十里平康都

通濟橋在淺冲口乾隆十九年知縣葉重秀倡建

廣濟橋在西郭上灣乾隆十九年知縣葉重秀倡建

利濟橋在西郭灰堦乾隆十九年知縣葉重秀倡建

潭江橋在城西南十五里路通恩平驛遞由此縣志

水流橋在平康都獨岡村上通馬岡下通赤塢

烏水橋在城西二十里邑人張天祐以母命捐修又名承母

橋

大凹橋在四九墟蘆荻角上通縣城下通魁岡長沙

神步橋上通四九墟至縣城下通新寧鄉人修築
高園橋在長靜都嘉慶二十四年知縣李莊建俱同上

渡

縣城南門墟渡二七開往新會縣志

下廟渡在縣南三十二里吳志

長沙渡在縣東二十五里按縣志逢七開往省城

新埠渡在縣東四十里按縣志長沙埠譚梁二姓渡開往佛山江門新會

水口渡在縣東五十里

南門外橫水渡乾隆十九年官設

金山埠渡乾隆二十年添設

赤勘上下墟渡乾隆二十年添設俱同上

鶴山縣

七鞏橋原名接龍橋在古勞園內順治八年舉人勞之琦募

建乾隆十九年重修

縣志

沙坪頭橋原名折江橋番禺縣知縣毛汝麟鄉民陸子楊建

吳志南海李邦義記

同上

衛坡橋在坡山村宋紹聖中東坡謫儋州愛石螺山之勝留宿旬日鄉人爲築亭於山麓因以名村而橋亦以坡名焉雍

正三年重修

吳志

富村橋在小官田村側乾隆十八年造

長興橋在小官田村水口乾隆十八年造

大驛橋在小官田村路通新會城乾隆十九年造

普惠大石橋在新化都當邑東通衢乾隆十七年造

振北橋在洗田村西北往來大道

凌村石橋在小凌村前其石長數丈南通開平北通縣城乾隆元年傾圮陳敏紀陳祖憲捐資重修

雁池橋在樓冲村

相題橋在圍墩村中四方往來扼要之路

恩重石橋在竹蒨村前鶴城出入必經由之乾隆二年施恩重建

綠環橋在錢塘村康熙二十一年王悅聖捐修

見龍橋在茶園村清溪里

紫雲橋在橋坑村北舊架木爲之康熙五十四年輦之以石

肇基橋在雙橋

俱同上

石磊坑橋在笏山村後爲沙坪通衢

縣志

慶澤橋在縣城東門外廣濟橋在縣城南門外

滙瀾橋在蜆江橋坑

廣濟石橋在上旺村龍船灣口爲六圖水南流之要路

俱同上

渡

司前下圍內河橫水渡

縣志

橫基大圍往九江甘竹渡共二隻

坡亭飛龍廟橫基往九江沙腰渡

坡山西頭橫水渡

古勞上圍橫水渡

凌村井口一七往江門渡

上圍灰埠橫過小河渡

禾谷坪大田基一四七往新會江門渡

沙坪墟尾往九江甘竹墟渡

肇慶府志

卷七

建置

梁津

七

坡山水口二七四九往肇慶渡二五八三六九往佛山渡
坡山水口一四七二五八三六九往省渡凡三隻

古勞三夾橫水渡

河清古勞三洲橫水渡

大基頭過塘坊渡又過九江甘竹渡

峽州沙涌過九江渡

古勞河清九江關邊往江門渡

古勞沙坪頭往甘竹渡

蛇山嘴大基頭三六九往省午渡

大基頭三六九往省番禺東壩頭午渡

古勞三夾一四七往佛山渡

九江沙坪頭橫水渡

古勞河清九江李村渡

坡山水口一四七往佛山夜渡

古勞四七十往省夜渡一四七往佛山夜渡一四七往江門

渡又往甘竹渡橫海渡

俱同上

德慶州

漱玉橋在香山乾明寺後久廢邑人李一韓重建

吳志

接龍橋在香山門之北明萬厯間知州沈有巖因地脉爲濠水所界募民填築久廢

青山橋在州西二里舊有青石因名久廢

化龍橋在州西五里孝通廟前舊刻有醉石二字下有白石

泉流注於江久圯

得月橋在州西二里路通化龍橋橋有亭名步蟾久廢

鎮南橋在鎮南門外明萬厯元年知州楊士中砌以石

萬壽橋在州東一里舊有亭

九曲橋在東門外橋下濠水東行由景忠祠而達於江上俱同

東勝橋明隆慶六年知州楊士中建阮通志

登雲橋在州東五里橋舊有亭人賓與飲餞于此吳志

太平橋在州東十里端溪水由此入江乾隆九年知州朱沆

邑士麥萬箱易建以石

古欖橋在州北三里通端水入於江

金官橋 格水橋 大板橋 欖水橋俱在州北教場外乾

隆九年麥萬箱捐修俱同上 按州冊作金管橋乾隆五十七年諸生梁受正重建

過街河橋 合水河橋俱在吉林鄉為往來要津緣多病涉

乾隆十七年邑紳劉日寬捐建阮通志

七把連橋在州東二十五里乾隆十七年西寧貢生麥中興

捐修又鑿修纜路

吳志

格水橋在城北八里嘉慶二年邑紳徐居高構石

州冊

灣塘曲通濟橋在城北四里道光五年監生謝起元構石

官塘頭酒飯橋在城東三里道光五年監生謝起元構石

同上

渡

西寧渡

都城渡

辣頭渡

肇慶渡

連灘渡以上五渡舊設

既道志

西寧府志

卷七

建置

梁津

七

沙頭渡新增
吳志

佛山渡新增

廣城渡今廢

西南渡今廢

江門渡今廢

蓬簡渡今廢

饒口渡今廢
俱同上

梧州渡

東安渡

水口渡俱川册

封川縣

步雲橋在封樂縣西
輿地紀勝

太平橋在南門外創建無考洪武元年知州薛明理修永樂九年縣丞歐必森重修成化辛卯知縣萬顯重修吳志國朝

康熙三年知縣劉衛重修

縣志

長版橋在天后宮後

吳志

永寧橋在縣東崇教坊宋熙寧二年邑人陳德才建洪武永

樂宏治間屢修

泰安橋在長寧門外洪武永樂正德間屢修今廢

廣濟橋在縣東二里路通德慶州洪武十年知縣安璵建今

廢

石橋在麟山驛宏治間坊民砌以石因名

狀元橋在文德鄉蔴村唐狀元莫宣卿祠前

第五橋在修泰鄉范村

泰新橋在修泰鄉新村嘉靖十二年邑人建上覆以亭

寺門嘴橋在修泰鄉寺門村

渡口橋在修泰鄉渡口塘上此處水深岸高舊架以木過者多溺萬厯間邑人李奇鳴購磚砌兩塾中監鐵力木柱架板

往來稱便

俱同上

攀桂橋在縣東攀桂坊 國朝嘉慶十三年修建

慶雲橋在坊場辽塘埭口嘉慶十一年創建

青雲橋在修泰鄉鳳村墟嘉慶二十二年建

俱縣志

渡

待村渡在城南二里修泰鄉

吳志

渡口渡在縣西五里修泰鄉張洞各村往來

黃灣渡在五通廟前抵黃灣通西山下

遊塘渡在修泰鄉

賀口渡在縣北十里每年官編渡夫一名今廢俱同

梧州渡在縣前汎至梧州厥前

都樂渡在縣前至都樂汎爲坊場各鄉往來總渡俱縣志

開建縣

龍吟橋在正街右拱抱學宮康熙六年圯于水八年知縣張

冲斗修嫌去水順直疊石以曲之二十六年知縣姚從智修

五十七年知縣張安鼎程子章相繼修阮通志雍正十三年知

縣楊宗秉倡捐建石橋二乾隆十二年水漲圯知縣張耀璧

建復二十九年復坍塌以木嘉慶二十四年知縣張之榮勸

捐修復橋下峙以石礚橋面互以巨木縣志

大橋在縣東四里康熙十年知縣張冲斗典史張國泰倡修

嘉慶元年知縣廖懷清重修

縣志

蛟水橋在縣南十五里二都

志

承恩橋在縣東十里

下埠橋今改騰蛟在縣南十五里二都官田大灘必經之路

錦繡橋在縣北六十里四都

俱同上

佛子石欄橋在四都距縣城六十里

阮運志

景宣橋在縣東三里

同上

文魁橋在縣南一里文昌閣之傍竹塘溪嘉慶八年知縣盛

植才建

縣志

巖峒橋在縣北十三里康熙九年邑令張冲斗建

嘉慶五年

年知縣朱一懃重修

縣志

醴泉橋在縣東二里一都乾隆五十九年知縣張眉大建

舊寨橋在縣北十五里一都乾隆五十九年邑人李充光倡修

聚福橋在縣北十二里一都邑人陳性善倡建

鎖口橋在縣北十二里一都邑人陳纘志姚廷欽先後倡修
冷水橋在縣南十六里二都嘉慶十四年邑人侯德滄鄧致和倡建

百福橋原名富麗橋在縣東北二十五里三都乾隆二十八年邑人黃文燦譚嘉行倡建五十八年梁大任倡修道光元年植匡時等重修路通兩粵

謙水橋在縣北五十里四都雍正元年創修石鞏路通懷邑
豐富橋在縣北四十二里乾隆五十年創修石梁石柱路通

賀縣

分龍橋在縣北七十里四都乾隆二十年創修石鞏路通懷
邑

浴水橋在縣北三十里四都橋爲邑人譚真鼈倡建嘉慶元
年其孫譚嘉韜獨力重修

俱同上

渡

開江渡在開江門外

吳志

新塘渡在縣北十里

寧波閣渡在縣北十里民渡

都平渡在縣北十里民渡

城西小渡

俱同上

肇慶府志續編

建置

陽春縣

萬壽宮在城西萬壽古寺道光十二年知縣吳思樹移建
文廟在城內道光十年重修

陽江縣

振西書院在縣屬織篔道光十二年閏九月知縣朱庭桂倡
捐修建

恩平縣

明倫堂道光十年生員梁紹鳳等勸捐重修

尊經閣十年同修

考棚在東門內道光十一年知縣李嗣棠倡建紳士梁阜成

等勸捐督辦

開平縣

萬壽宮道光十二年知縣梁祖恩重修

上俱採訪冊

肇慶府志卷七終

高要周汝珉校字